


CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

JUL 29 1946

ET 2252.8 / 1332

6



湯氏家乘卷十

翰墨

贈言

夫臥香齋烈烈來天戈千劫靈帶

癸丑秋八月寫芝蘭圖并題為汝敬道丈清鑒

吳京

純所

芝草幽蘭許並芳生來空谷自含香素心欲結湘江佩

為愛依依臭味忘

吳堯

詹所

幽蘭奕奕吐奇芳風度深林汎遠香自是清真古君子

閉門高譽不能藏

哈佛大學漢和  
圖書館珍藏印

一種幽芳何處尋  
秋風蕭瑟露華深  
朱絃匣裏多愁思  
流水高山自賞音

吳宗達 青門

長洲  
顧時啟

素葩垂露香堪挹  
勁葉含風翠不凋  
瞥向圖中見清影  
每於塵外想高標

唐獻可 君俞

綉佩翩翩大夫侶  
香葩燦燦來天女  
千條羅帶挹清風  
一片冰心誰可許

唐襄鉅 西航

蘭畹敷花竟體芳  
綵芝三秀亦呈祥  
披圖想見騷人致  
一種風流翰墨香

敬瞻先文端公所題湯氏芝蘭圖  
竝讀述庭老伯

跋語率賦一首  
吳龍見 惺園

寒雲斂空秋芝蘭  
出叢薄天末懷佳人  
縹緲隔蓬弱古  
香繪素心持贈雅  
有托頓首太傅題  
手澤宛如昨人生  
殊臭味方柄內圓  
鑿想見山林交清  
標映臺閣述庭吾  
父執宿好踰棣萼  
同村朱陳如繼世  
孔李若辱示百年

圖爲感先人諾盥漱肅拜瞻如在心有恪三華尙旖旎  
九畹未搖落稽田顧子慚經畚情耕獲

奉輓希尹先生哀辭二章

莊回生

澹菴

秋穹夜失少微星厚德誰題墓誌銘孔壽全歸藏玉匣

仙銜應復返珠庭芝蘭昌後多孫子文獻傳家有世經

懷袖瓣香相送處布衣祭酒閉山扉

右和老杜覃山人隱居韻

遺世高人不可求兩餘開霽卽重幽德輝青史傳千古

骨近丹松歛一邱道望祗從仁里見象賢惟共長公遊

精靈應上華山頂定拂蓮池掉鐵舟

右和老杜題張氏隱居韻

送湯公綸赴顧見山起部鎮山書院長之聘

崑山歸莊

元恭

禮樂須徵魯兩生醇儒猶是說桓榮前賢俎豆堪崇祀

後代人文仰大名此去不難重席坐異時應著解頤聲

彥生夙昔推東箭黼黻於今正太平

崑山葉國華白泉

扶輿佳氣煥河山耆德何須更掩關重振講堂彫弊後

特興名跡有無間人文吳楚來千里理學濂閩見一斑

爲語東齋湯博士阿咸絳帳復相攀

太倉陳瑚言夏

鎮山書院幾多年孔壁銷沈魯殿烟只道春風無茂叔

誰知夜雪有伊川江河自昔曾行地日月于今慶麗天

慚愧蒹葭秋水闊空教閒煞一池蓮吾友湯子以李郭之姿兼程朱之學

湛思抱道多歷年所今應震雉先生之招為鎮山書院之主斯文闡發其在茲乎予伏處寒潭窮愁多病驚湖

鹿洞雅有同心今得見之故人亦足慰生平之志也爰賦一章以當志喜

崑山葛雲芝瑞五

曾同明月聽琴聲又見秋風匹馬行水部右文崇俎豆

諸生習禮奉橋衡地鄰鄒魯風原古學紹濂閩教易成

從此傳經應滿座儒林自昔重桓榮

常熟繆夢淵清璘

虎禱談經起士風襟期如雪氣如虹傳薪道在蓮花洞

砥柱瀾迴匏子宮孫復此時逢范老范文正公聘孫相復授徒泰山山下

如當日遇文翁文翁為蜀守聘相如為師以教子弟知君自有天孫錦衣

被淮徐杖屨中

鎮江潘陸江如

夏陽延望渴難禁函丈聲高式士林客路秋烟隨棹遠

離情尊酒共江深詩書舊識河汾志禮樂重開鄒魯心

好上岱巔觀匹練愁予梁父不同吟

江陰黃晞仔新

碧空霞淨片帆秋直上淮源汴水頭江左雲山書舫靜  
湖陵風月講堂幽文章聲價高揚馬理學菁華擅魯鄒  
自是使君相望切故園萸菊肯淹留

江寧范幟赤生

霜橫馬首促行程秋色籬邊競晚榮鄒魯幾年崇教鐸  
河汾此日重知名歌風斷碣莓苔古放鶴餘暉雲樹平  
此去斯文欣有托可勝樽酒繼離情

無錫高世泰彙旃

多君懷古興難禁此去名聞著作林詩近呂梁拈韻險  
文宗尼泗濬源深同人聲氣推元晏吾黨生平在素心  
倘寄新篇都屬和肯教白雪獨高吟

太倉郁植東堂

山樓剪燭夜雲天猶記掀髯手一編論道幾迴常接席  
贈行不及共離筵東來岳勢懸如掌北上河流疾似弦  
自此送君千里去會看文業繼前賢

無錫華亦祥續長

商飈吹動雁來天有客驚秋思  
眇然烟雨忽深洙泗夢  
關河初撥晉陵船雲留別酒歌  
三疊山入征衣路幾千  
鐸鼓香城虛席竚石渠天祿著  
瑤篇

楊廷鑑

靜山

文壇牛耳讓誰先義理蠶絲細  
更研講席喜逢洙水近  
書帷翹望岱雲連英華早歲南  
方發衣鉢微言北地傳  
門下幾人稱得髓吟風立雪繼  
前賢

唐宇昭

雲客

絲來蘭苑擅香譽赴聘今過楚  
故都自昔瞻雲思哲士

於今霖雨見真儒清淮曉度賓  
鴻逆絳帳宵懸顧免俱  
吐舌未應私五鹿滿溪桃李盡  
吾徒

薛耳

仔鉉

十年作賦領儒生竒宕多才衆  
所榮稷下雕龍參往駕

旗亭繫馬擅時名經傳劉向還  
都水

謂顧震老

宅傍張饒遠

佩聲極目橫流操楫去黃河直  
上水波平

莊同生

澹菴

軒軒標建赤城霞舌瀉懸河筆  
燦花海內文章推獨步  
江南聲氣說通家離情何戡淒  
三疊行李張華富五車

霜落滿空秋水白那堪柔櫓聽伊啞

謝堉 爾介

張燈貫酒毘陵夜白日黃雲泗水秋念爾遠酬膠漆約  
致余新結別離愁學傅馬帳聲名重惠及人才禮數優  
是主是賓殊不媿竝貽佳話古今留

楊大鯤 天池

曾向淮源同問渡扁舟分手思難禁君因知己登程急  
我為離羣惜別深問字亭中誰載酒歌風臺畔足高吟  
天香月色俱千里數與來鴻寄好音

惲 驥 元眉

書滿行車班馬鳴貂裘秋雨下彭城烟沙路盡桓山出  
雁鶩風高泗水平白鹿生徒開舊蹟絳帷絲竹動新聲  
何如匡鼎談經日頤解葩詩已著名

劉 曄 大字

早年清譽滿詞壇著述名山定不刊大業逢人隨說項  
壯遊到處盡推韓淵源近接婁江勝意氣時增易水寒  
蕭沛文聲從此振羨君書劍策雕鞍

龔百朋 升璐



木落天高秋氣除伊人鼓棹溯淮徐問鱸有地辭南菊  
征雁多情寄北書闕里管絃知在望夏陽函文肯終虛  
行行早起司空約珍惜餘風惠索居  
把臂歌呼醉醪醑片帆今夕始揚船吳中先達爭投轄  
魯國諸儒待執經萬里長河馳錦浪五雲太史叶文星  
絳帷他日相逢否應使康成慰眼青

蔣演生

寅伯

秋風桂棹渡黃河望入關門紫氣多絳帳自推天下士  
驪駒齊唱郢中歌淮徐木落征帆近岱嶧雲心挾策過

聞說使君能重道中原文學看嗟哦

唐獻圭

子介

東甌家世擅文名不道琴書又北行地近龜蒙敷雨化  
山連蕭碭覆雲英觀魚潑潑依惟藻聽鹿呦呦食有苹  
一山驪歌分袂後高舉絳帳賦秋聲

陸度

竺僧

大雅憑君幸不孤仙帆遙赴擁臯符主賓講席推朱陸  
弟子經壇盡鄭盧泗水源通流聖澤岱雲光遠接名都  
素心人遠音書咫消我經時鄙吝無

王來賀 莘簡

自昔歌風湯沐地名賢遺澤讀書堂君今一棹黃河去  
喜見三鱸吾道光泗水文星應不隔東吳紫氣渺相望  
懸知司隸龍門迥早晚徵書下未央

韓巖 公巖

道南何以至今尊高顧遺踪猶有存一代風規開雉射  
千秋豪傑望龍門毘陵舊業推名宿淮海文章屬弟昆  
此去絳帷多立雪漸看桃李滿庭暄

江南雋 彥升

獨攜琴劍鎮山游正值黃花古渡秋梓里空懷聲氣遠  
鱣堂拭目典型留屢盈戶外竒堪問書滿胸中志未休  
羽翼斯文吾黨事况逢地主為綢繆

錢理 紫耀

劍裝重指偏陽城共挈瓶笙送遠征 劉幾仲餞東坡  
事坡有瓶笙詩  
國人倫推有道西都經學重匡衡歌風臺畔春風滿泗  
水亭邊秋水平羽扇丰裁多暇日聯吟古調足平生

鄭牲 息緯

弄月吟風道味深夏陽講席待君臨門多問字頻揮塵

世有知音莫碎琴遠近總傳先聖學行藏不負古人心  
慚予寂寞年來甚望道彌遙愁思侵

李正炎 午岳

圖書坐擁足千秋沛國河山却勝遊絳帳談經春雨化  
青藜分火夜光幽齊州笑指雄風在泰岱遙瞻瑞靄浮  
講席久湮今復振薪傳端不外吾儔

潘 謨 稚先

送君征騎又駢駢燕冀歸來未幾旬千里同人勞夢寐  
十年爲道走風塵鎮山院有琴書靜泗水亭逢萸菊新

名教從來真樂地侯門立雪定何人

章永敬 公說

太白秋高霜葉紅送君遙發大江東銀塘落日帆初度  
書劍依人氣自雄絳帳一時橫講席青衿十載仰儒風  
相逢况有公真在肯信天涯調未同

惲 驩 元錦

倚棹江干日欲斜此行端不隔天涯交情咫尺原難別  
客路風塵每自嗟應有笙簫供絳帳且將樽酒醉黃花  
使君已下陳蕃榻念爾從遊興未賒

惲啟吳 元介

關河折柳送征纓花外攜壺唱渭城入洛故人能薦士  
渡江才子自知名秋陰北固孤帆色客夢湖陵斷雁聲  
千里心期吾黨在經傳猶有魯諸生

薛熹 丙文

江南秋色雁聲中別賦離筵調每同愛士三吳推孝則  
傳經千載屬扶風雍門日暮青楓遠瓜步烟消碧水空  
照爾扁舟回首處故山寒雨落蕉桐

叔懋官 石篋

辭 就商賓 白居易 暗暗雲霄接去程 張道符 薄有文

草傳子弟 元稹 少教冰炭逼心神 白居易 行期汗漫登金馬

諱用 那復淹留咏白蘋 韓愈 莫向尊前更惆悵 許渾 知君到

處有逢迎 高適 林中雨散早涼生 皇甫曾 落日蒹葭遠水平 劉滄 欹枕正牽

題柱思 羅隱 論交還比聚星人 韋莊 風騷處處文章主 章孝標

溪邑家家禮樂新 黃滔 從此青衿與朱紫 林滋 許教齊和九

皇鳴 孟球

惟君才學自應徐 陸龜蒙 孝節忠規兩有餘 李嘉祐 知己欲

依何水部

嚴維

邑人爭識馬相如

許

雲烟但有穿楊志

莊

懷袖猶殘諫獵書

白居易

此別應須各努力

杜甫

暫時分手

莫躊躇

高適

弟

姓

熊子

客程指點古淮徐  
秋色蕭疎木脫初  
幾載久虛夫子席  
數行珍及故人書  
談詩說禮元能事  
問水尋山亦緒餘  
似我甘心伴寥泲  
年年常自帶經鋤

弟

莘

在野

蒼茫秋色雁離羣  
桂雨芙蓉風愴獨  
聞講學漸臨鄒魯境

攤書常對泰東雲  
守株一室應憐我  
秉鐸緇緇帷共識  
君指屈歸期知歲  
暮滿儲膏火待論  
文

薛

澍

天谷

江上芙蓉朝暮林  
間烏鵲東西去矣  
予懷渺渺行乎吾  
道栖栖涼月一點  
獨炤荒雞五更亂  
啼將進此時杯酒  
踈言舊日袍綈

無錫

秦仁溥

霖若

我欲從君去其如  
懶不堪同心寄遙  
想握手更深談講  
道印秋水論文向  
夕嵐閒登泰山頂  
一為望江南

雁序分秋影送君千里行片帆移遠渚雙屐過孤城派  
接濂閩遠衡懸月且平及門多道契好與寄同聲

丹徒 陸元伯 二謙 門人

夜月蘭陵棹西風鐵甕城淵源千古事杖履此時情講  
馬先生重遊裝遠道輕懸知絃誦處書帶草叢生

門人 金 煥 堯文

寒秋將道履此別意如何問俗淮徐古談經聲咳多帆  
馳等落日雁度掠微波莫慰追隨願愁顏未敢醜

江邊孤棹懸秋雨海上諸峯擁暮雲此去自關斯道重  
不須握手悵離羣

潘 鶴 胎仲

景 行 小差

秋風着意吹輕裝付收拾日落長河橫芙蓉亂舟楫  
諸生環侍處函席展於菟白晝談經後香傳鵲尾爐  
誰言判袂難一別一回老朝褰滄海雲暮擷芳州草  
潦水清且淺送君此路去黃葉下疎林便是思君處

呂嘉岳 松壑

白雲長亘天西風吹我驚曉登竹香堂知子將北行夏  
陽舊書院昔賢育羣英粲粲顧起部崇文因序黌曰非  
湯子賢吾道無干城尺書歸江南珍重其來伴幣帛儼  
在筐禮意享以誠同儕悉勸駕歎不媿盛名有肉方載  
俎載酒肯且清相祝無鄙辭一準先民程初云抑奔競  
士子當屏營首下而尻高無乃勞趨迎家修則廷獻漸  
爲國之楨預時氣不養常恐敗厥聲次云敦實學門牆  
仰峻宏威儀與文詞塗飾非至精鄒魯咫尺間自待詎  
平平終云嘉賓主賓唱主則賡歲寒保其初相得如嚶

鳴亦當爲道重詭隨非所令敦行子弟從孝悌忠信并  
但去弗復道企望多餘情

陳世社  
介夫

憶君歸自金臺路海嶽傾囊幾驚顧天風昨夜吹輕舸  
破浪乘流忽相聚坐我山中六月寒泉香酒冽松雲團  
况對婁江陸夫子春風滿座聞鳴鸞君今淮海將行役  
攜手河梁月生魄昔年絳幄重論文此日書城應點易  
我爲君歌君且醒大雅可作吾其型兔窟深埋白鹿洞  
草烟滅沒紫陽亭何意鎮山今復葺靈光古殿歸然立

雲間作者顧使君砥柱狂瀾邈難及魯齋遺教惟吾子  
盡掃糠粃發真理為敦實學開經綸不獨文章擅世美  
吁嗟淮泗多古豪圯橋芒碭風蕭蕭北天鴻雁有時至  
霜雪望君揮素毫

不見公綸又踰二載盈盈一水勞我相思加餐未  
寄既魚雁之徒殷乘興無舟復黍雞之空約離  
愁抑鬱之餘忽接贈扇一把清風徐動滌我煩  
襟如對故人再次元韻聊以奉報

太倉陳 瑚 言夏

三年不見故人書忽有清風慰素居心似落英隨水去  
人如遙月照窻虛最憐老桂吟詩後稍喜寒山剪燭餘  
乙未同公綸吟詩崔王市古桂  
下丁酉又遇于玉峯道中一夕雞黍巨卿空舊約可知  
犢健不如初

任城客中楊聖喻昆仲招同史公升聶次公李荆  
璞因園看梅奉遲紫庭先生不至用年字兼呈  
教可

吳爾升

金谷時過集看花此獨先神清何簡貴意遠且孤騫濯  
魄應需雪當杯若語禪名區多彥會愛護自年年



太史曾爲記

聖喻尊公鳧岫先生有梅記

長貽鼎味鮮影香皆古卷

紅白總清泉自笑無花格人欣得酒年枝頭應有待乍  
放在當筵

奉懷紫庭先生

王國龍 雲九

雞黍三年別相思蘭草深不堪南浦曲况有北堂音湖  
水弦歌地山岑花竹林秋風今夜夢談笑月中琴

紫庭招飲於張山人廓然堂時八月二十六日庭

前紅梅有花坐中六人因拈其姓爲韻

莊同生

澹菴

未有潘才大擬江忽承載酒傍琴張龍頭端的原歸華  
雁序躡躑羣就湯吟社凌雲詩許伯糟邱拔幟釀稱王  
秋容紅入梅花早故着奇情媚老莊

晴瀾風動感文江斐几花前隱一張籬豆落將炊碧脯  
鮮魚斫取煉珍湯歡情曠比攜柑戴逸興佳同笑竹王  
然却紅梅持紫蟹六人沉醉柳南莊  
舟過濟上公綸移樽敘別詩以誌懷

秀水

張天植

萍踪天際似飛篷臨水脚盃嘯暮風遠樹烟飄驚別葉

孤帆日落逐離鴻  
季鷹憶鱸鄉思久  
仲御浮舟詩侶同  
世事悲歡何足問  
蒼雲幻見白衣空

夕陽烟艇飲河津  
相對滄波俱旅人  
深淺浪浮塵內影  
去來雲過夢中身  
文章鄒魯東流遠  
意氣江湖南望親  
莫歎年光欺短鬢  
餘生風物一時新

草堂視公綸介臣  
公木槎長諸君子  
訂余諸藁重

以詩序敬賦志感

朱冠采

師黃

收餘吟嘯意并謝  
白雲知筆墨偶然至  
精神宛在斯寒  
窗曾自信靜夜忽  
深疑我未探靈異  
憑茲動古思

誤落高人手初疑  
吐棄之細評皆鄭重  
一序各幽竒是  
事信難學佳名寧  
可欺深深多古意  
於此得師資

入門紺溪談道次日公綸有作見寄子已答之矣既而

公調石隱俱依韻賦詩不覺神往亦依韻率賦

呈教

太倉

陸世儀

桴亭

人生有真樂名理共欣賞  
夙昔志求友竟爾得吾丈  
觸機自軒豁無言亦洞朗  
公調石隱子佐之更成兩禮義  
悅我心經綸視諸掌所譚  
匪殊絕自非人世想溪流雜  
衆木和雨成妙響不意天壤間  
乃復有吾黨義皇畫卦

理皆由下而上儒生知道術始可議安攘地厚人共載  
天高衆咸仰誰無斯道責而乃任榛莽於茲有傳人令  
我手加顙表端影俱直源深流漸廣衆善各自具豈云  
互相倣

湯公綸齋雨集各賦詩在座有蔣槎長景小差湯

石箴

太倉郁法

入門皆勝侶對雨亦良辰况有琴樽趣兼之師友親

石箴

曾受業槎

長之門 千秋存慧業一日快閒身非但資談笑其中

風雅真

祖席送湯公綸限星字

薛 采

諧孟

竹光分夕露月色照離亭敢惜樽前醉難爲別後醒斯  
須猶聚首千里卽揚舲徒御嚴裝待頻頻視曙星

慰公綸一目喪明

無錫

張 琴

公調

且喜餘澄照天成尙有端莫言心力盡致負眼光單識  
自能超古人當一改觀斯文深寄托還勸強加餐

酬公綸以書見存

太倉

王 育

石隱

病齒吟初輟春城風雨餘所思在湖曲相訊及幽居徑  
僻苔常滿門閒柳自疎感君珍重札收伴篋中書

湯氏家乘 卷十一  
同人餞公綸北行卽席分韻贈別

嘉定侯元汭 記原

四方雅吾志夙昔恥懷居執御隨先覺從遊備小胥一  
燈同憶友雙影獨兼余此際情何限應商別後書

蘇州蔣會沂 聖與

道左駕驪駒門前候僕夫祖行餘祭肉絮別泥清酤辯  
論緣文癖招徠自酒徒解攜乘醉去夢醒定驚呼

常熟翁嗣聖 栩菴

飲餞初冬夜燈邊菊尙花人全欺白雪天半艷朱霞快

晤應開歲歡持及在家預申山澤約穀雨共新茶

崑山陳留 天侯

無限離羣意相看此夜中勿嗟萍跡貳正賴蕙心同夢  
繞吳山月人觀魯國風西堂孤坐際池草句應工

松江沈麟 友聖

送別兼餘子雄談月墮窻糟邱爭拔幟拇陣恥坑降菊  
笑喧壘曰童驚覆酒缸只愁明月路楓葉冷吳江

栢鄉魏裔魯由明經起家司馬問水淮徐令子獻

宸早歲選拔萃科與公綸均未識面而神交傾

倒往往走一价至公綸浦縣館舍求詩文余嘉  
其意作此長篇次呂建封韻

宜興 儲 仲和

古鄙鍾奇姿擬才仍魏驚衙官役屈宋眇思自孤征學  
古貴有用政專河干城鳳毛蔚文儒與居盡羣英漸見  
舊著淺彌覺析義精筆粲江夢花硯熟子安耕間乃走  
一筒行行指沛鬢嚶嚶自求友載訂白鷗盟珍重托素  
書殷勤囑去伴深心映毫素一一浮精誠洵哉不朽業  
詎復當世名欽欽彼君子署同秋水清構亭榜馴鶴吏  
散茲屏營往還止胎仙俯仰忘趨迎在陰叶幽和家儲

上國楨宜何鮮曲蔭茂實有偉聲矯首瞻嚴詞韻邱  
隨平崑崙崙洩河源行潦詎可磨雷門發響豈若蒼蠅  
鳴吁嗟甕牖子久矣願識荆遥羨登龍門高誼兩合并  
相見詎恨晚意氣重所傾何怪懷古人千載有餘驚  
薛天功歸見存因念公綸久客沛上

呂嘉

掩卷目交睫隱几成假寐遠客千里歸憊然雀巢位鄰  
家有清點小童能自致改座臨軒窺窺色亦漸至  
沛上人 在年無一字何當歸來時發其遊覽

晝夜燒我疇昔異

重九日寄公綸

故園東去千餘里河上傳經又一年正是登高好時  
望君不見重悽然

暮春紫庭病愈門人迎一城南書院余喜作詩送

之

君自留春住鶯花未忍開從  
動烟猶濕風來柳不寒體輕單  
推三益晨昏進一竿入林欣有  
托余言獨成歡

寄公綸

楊大鶴 芝田

林木蕭蕭落葉乾芙蓉湖上曉霜寒  
黃花開徧三三徑  
泥爾高吟把酒看

寄祝公達年翁五十初度

長洲 韓 茨 慕廬

行藏半百混樵漁錦里先生水竹居  
綠徑無塵頻載酒  
青山有屋只藏書姓名已入高賢傳  
門巷時停長者車  
更羨趨庭多驥子雄文爭說似相如

溧陽 史 夔 曹司

蕭然物外寄閒身家在蓉湖烟水濱  
綠徑新成栽竹處

青山舊識看雲人遊仙詩句驟鸞鶴通德衣冠集鳳麟  
進酒徵歌當此日荀筵羣爲祝千春

石門吳涵

蓬萊佳氣靄瑤池青鳥遙傳介壽卮戲綵膝前人是玉  
含飴堂上鬢如絲紅渠碧檻香清處雪藕冰盤暑退時  
懸識綺筵多樂事笙歌齊晉九如詩

長洲孫岳頌樹峯

風煖華堂紫氣晴一星照耀麗長庚萊衣舞動天生錦  
仙樂吹來子晉笙池畔紅蓮香入座懷中白璧價連城

翛然自是蓬萊紀長願花前進壽觥

宛平米漢雯紫來

介壽堂前盛綺羅玉船風動酒微波閒心久視浮雲靜  
樂事偏隨愛日多自有雄文傳宇宙長將逸興寄烟蘿  
如君真是神仙侶不羨淄塵珮玉珂

平原董訥默菴

瑩林瑤圃自耕耘閉戶時時一卷文客到不會題鳳字  
書成長與換鷺羣堂前萬柳新垂蔭塔下三荆漸拂雲  
却憶初辰歌祝處碧簫應隔絳紗聞

華亭 高層雲 謾亦

信國王孫佩紫囊青山小隱傍陳芳冰壺玉案神仙府  
錦軀牙籤翰墨場月映金蕉酬令節露凝叢桂發秋香  
稱觥恰喜揆辰近爭羨斑衣燦七襄

任邱 龐 塏 雪崖

龍城任氣繞華筵正值初辰頌大年月下觴浮京口酒  
雨前茶試惠山泉左思招隱邱中賞高適工詩海內傳  
更羨枚臯能接武遊梁詞賦自翩翩

去祝詎菴烟臺四十初度

段劉麒 又襄

星軒笙鶴集仙家名較鄱陽盛更加鳳具雲儀將振藻  
芝培玉澤正拏華養生術厚楊凝式學道情同蔡少霞  
春色長榮青鬢日駐顏原不藉丹砂

恭祝詎菴烟臺五十初度

楊大鶴 芝田

曉起金風動碧紗輕涼徐引謫仙家蘭依錦砌偏敷萼  
桂繞雲屏正吐花丹輔月臨光共滿方瞳水剪湛無瑕  
試看綵袖承顏處杯泛瓊漿喜倍加

壬寅仲秋後五日為詎菴妹丈覽揆之辰春秋七

十有四矣諸甥治觴稱慶時匹士席門賦在座



各卽席賦詩愧子老拙亦依韻率和爲壽

鈕長明 賦三

屈指姻盟六十年相看鬚鬢各皤然杖朝伊邇心猶壯

掃徑同攜興自翩好善豈因圖福報君性好善一切賑

諸會皆含飴且冀讀遺編諸孫更欣此日椿庭上衣錦善讀

承歡有象賢時大甥授

奉輓湯詎菴先生 含山 唐如露 抒丹

七十餘年通德門老成未遠典型存太邱古道將誰竝

萬石高風祇自敦肝膽友朋爲性命詩書見輩作田園

少微星墮龍蛇歲傳續前賢仔細論

含山 張公望 次呂

絳帳纒懸總帳開少微星隕訃音來系傳相國勲名久

德重鄉鄰曰梓哀令子捧書啼淚血先生化鶴謝塵埃

梅花莫漫江城放薤露淒其泣夜臺

含山 王 濤 衡山

椿庭拜別強爲歡冷署方愁迎養難凶問忽來心欲墮

白雲中斷大江寒

莊喟生 玉

年年共禮散花筵  
昨歲壇開隔勝緣  
顧我悼亡思避世  
驚君卧病忽生天  
驪龍珠冷千秋蟄  
雛鳳毛奇萬里寒  
回首論交三十載  
一樽空酌總惟前

唐襄鉅

卅載深交一旦休  
端明鹿苑記同遊

每借公於端明鹿苑與舉大悲會鹿苑與

放生妙香薰染齋心久  
甘露沾濡澤物周  
愛結善緣無

春色每逢佳事輒先籌  
令終已足離塵垢  
應向西池上品求

品求

徐永宣

三

歲序修鱗沒流光  
惜逝波老成不可作  
後進欲如何行  
已端方著交情  
道義多長留餘慶  
在槐蔭滿庭柯  
賦林令子之官去  
牽衣拜別難暫將  
升斗祿博得老親歡  
寸草心如結迷天雪  
正漫蓼莪篇欲廢  
血淚未曾乾

錢濟世

碩齋

南山有松柏結根遠  
且延千尋作氣勢  
百圍中方圓生  
枝埒杞梓發幹侔  
梗楠世須梁棟材  
推選必及焉偉哉  
中山翁厥德豈異旃  
耕耘皆心地種植盡  
福田長公食天祿  
地誥將自天仲叔饒  
經濟色養業有年  
孫曾竝蘭

玉馥郁盈堦前更有封胡輩手筆凌許燕家庭餘樂事  
甚盛遠邇傳古稀又四齡上作蓬瀛仙朱陳誼稠疊交  
情豈泛然生芻置一束不覺涕泗漣漣恐貽達者哂但咏  
薤露篇

王家柱 石人

是歲在壬寅予客居曲梁歸家逼除夕有訃來倉皇少  
微忽以隕哲人遽云亡征衫塵未拂流涕先沾裳回首  
菊花秋好語曾飛揚長公登仕版關西兆鱸祥遙知捧  
檄喜笑顏動高堂清俸縱無多菽水聊以將何圖不數

月悲吟蓼莪章緬焉懷舊事感慨神尤傷昔與長公遊  
泮水偕芹香公也敦世講視如猶子行不才長貧賤餬  
口走四方相見執余手囑余慎風霜憐余歷險阻憫余  
具餼糧會面日雖短提耳情何長慚負大謗言詎忍須  
臾忘瀟洒棄塵世騎箕自相羊音容不可接典型猶在  
望今茲瀝肝膽非徒效蒿邨兼以慰長公入口須加漿  
節哀毋滅性孝道循其常努力報旻天食德收榆桑

題鳴友先生雞園詞

錢塘 范允鏞 用賓

北海胸中有豫州仲翔此恨亦悠悠三年笛裏梅花隔

此日逢春一解愁  
鐵板紅牙雅擅場  
小鶯偷語傍宮墻  
新翻水調真才子  
不數秦青韻繞梁

送鳴友妹丈再遊沔陽二首  
錢安世 黃功

復州風景水爲鄉  
岸芷汀蘭縮客腸  
此日再攜江令筆  
到時重醉孟公觴  
圖書腹裏藏三篋  
琴劍燈前列一行  
惟有荆吳最相接  
江天烟月喜蒼茫

花前同擬適他鄉  
余亦將北行  
未免俱牽去住腸  
幾欲高吟

留別句也曾滿飲  
送行觴  
多君六月輕千里  
媿我孤踪

欠一航後會不知何日是  
勿教魚雁任茫茫

西泠將歸鳴友過訪却贈  
慈谿  
裘

彤雲閣雪恐歸期  
題鳳驚人倒屣遲  
未擬干霄知劍氣  
豈因別玉抱荆悲  
乘時塞雁翻南國  
好客梅花放北枝  
不會無離離敢怨芙蓉罨畫足  
相思

送鳴友先生歸毘陵  
錢堪  
翁必選 尹若

一片雲帆不可留  
漫天風雪動人愁  
無情最是長河水  
纔向東流又北流

東風楊柳色淒淒  
送別紅亭黯欲啼  
寶帶橋南太湖水

扁舟三月下梁溪

送鳴友下第南歸

雲間徐振白眉

失意不如歸去好河橋常羨向南舟客如我亦何爲者  
說到君歸那不愁風雨半牀京洛夢葦蘆一水故園秋  
還期豪氣除難盡九日登高太白樓

荆南舟次寄鳴友宣城

乾坤結客二十年酒場詩社何翩翩  
雲覆雨一轉瞬作合未幾旋棄捐  
此曹大都論勢位律以友誼真可憐  
君時顧此輒唾罵我亦視之若免焉  
兩人去就頗相似

訂交恰在金臺邊我初怪君殊倨傲君亦目我爲狂癡

既復往還日益密寸心差勝金石堅平生所勗在氣節

文酒間亦相留連春明花柳御溝月瘦驢篤速聯陰鞭

高歌競作瘦蛟嘯快意健若秋鷹騫爭豈鬪捷兩不下

錦囊歷麗多長篇麤豪兀鼻竊自喜句調或欠輕而圓

坐此時人不見賞百篇那許易一錢狂來戲拉輿隸飲

醉後却就壚頭眠途窮每遭俗眼白甚者交口嘲輕猥

濂溪太僕

周太僕  
蓉湖

絕相愛一榻特爲爾我懸顧謂江東

兩狂士品題未肯別後先翹部縱橫列旗鼓詞壇跌宕

爭游畋詠諧謔浪饒韻趣不以禮法相拘牽爾時意氣  
亦自負俯視餘子羞隨肩人生其奈限時命文章無價  
遭迤邐十年共抱和氏璧一身惟腹三家瓊無媒漫恃  
顏色好窮通信有滄浪天男兒三十不富貴昂藏七尺  
真徒然京華米貴居不易東西覓食如饑鳶聞君近作  
宣城客敬亭山色橫城巔謝公老去供奉死得君佳句  
追前賢麻姑片石削寒玉新詩一一峯頭鐫此中客山  
頗不惡况迺一水通園田張颿直下不數日團團  
篝燈前獨我遊蹤轉汗漫馬頭篷底千山川

嶺表轡今秋復上荆南船長沙南下劇卑濕水痕半雜  
蛟龍涎蠻山毒霧怕瘴癘危灘急纜愁簸顛小船欹仄  
夜難睡水窗殘燭心憂煎元龍豪氣欲銷盡只有詩癖  
無由痊近詩瘦硬苦無日見者往往譏其偏嗔成擲筆  
自得意母乃所好隨時遷祗可索取老嫗解底須遠望  
雞林傳屈指惟君知我者郵筒一寄龍亭牋  
張博山招飲席上訊長安諸同學其念鳴友特甚

慨然作此用寄鳴友  
博山飲我黃州郡苦憶京華舊弟兄我客違來頻楚國

君遊可否尚宣城先是鳴友客宣城意中知己俱貧賤世上何人重友生若到謫仙題句處桃花潭水古今情

寄鳴友

當時數子鎮同羣十載棲遲隔暮雲已分退毫成棄物漫將貧骨鍊奇文細思此事終何濟欲擬他圖一問君倘得藍田種玉法早煩健步與知

鳴友先生歲除日登九日山用朱子韻作詩讀而

效之

徐永宣 辛齋

別歲謝凍吟散步踏山石喬林憂風條犖确徑轉窄幽

尋憇亭阜織薜翳頽壁繆篆鏤青膚波磔辨今昔蕭然無事身萬累去若失朱門對妻孥此景未易得矯首走拏雲詩思聳空碧歸休佇遙村炊烟弄寒白

讀鳴友樂府次集中韻

諷諭追元白楓林泣鬼神寸心存愛物常語動驚人鬢禿憎匳鏡衣單怯路塵天公於子厚也忍著詩貧

送鳴友之泉州兼懷劉太守存菴同年

臘盡難爲別何堪雪未晴孤舟寒夜火遠道朔風聲佛國謳均乳春陵達下情主賓清似鵠春滿刺桐城

送鳴友游江西

別君過三歲離愁不能降抵舍急走訪叩門拱路躩細  
嚼述庭集炎宵別銀釭山貙及溝背鬱噫哀愚蠢捕蝻  
與盤倉感激含悽懽禽言掩蘇范金石聲錚鏗土物繫  
民命考註彌敦厯萬古新樂府非君更誰雙惜哉蘊經  
濟不一施鄉邦薄酒取白佛一口吸老龐譬遭烝炊際  
忽湧蓮花幢故里擅詩徒意鄙言紛嚏太音宵以默棄  
去等做禱顧視所擊賞折楊皇琴腔獨愛錢四論亮功濬  
源水淙淙一瀉東注海陋彼驚回瀧雪浪送劈箭詎得

停風夔痛芟悅人處奮力拔枿椿融煉六經液內腴殊

降肛我志忍未逮埜蟻緣青漈藉君共蒙叟蒸服扶導喜

足跽會合未云久旋買東吳艤亂蟬噪榨柳襍硯凌秋

江傳聞宜陽志山秀泉琤澗籬援挿暗麝匪獨豐蘭芷

四序發叢桂吐香滿晴窻旅夜作韻語遠鐘咽微撞官

屋貯酒母不用沽村釭君老我非壯烏蟾迅奔駝尺書

報眠食莫忘投歸舲

和辛齋韻送鳴友之江西

莊棧晚菘

平生負竒癖壯志何時降懷刺鄙干謁汗顏立路躩屈



首闕萬卷燦若懸銀缸微言洞窾要閱論開愚蠢感時  
心鬱陶託物思悽懼叢殘與瑣碎武庫森戈鏃豈徒擅  
風騷實欲追淳龐以茲揚天廷時輩亦寡雙不然試一  
邑治行推侯邦心計恥陶頓譎智非孫龐熟視同學翁  
後先建節幢鷓雛竟遭嚇尊杳其言咙果腹營脫粟掩  
脛存敝褚肝腸洗冰雪道義滿一腔萬斛不自休下筆  
何淙淙頻年走閩粵扁舟上水瀧今年歸燕薊高張飽  
風籟誓將拂釣絲堅卧罾魚椿兒童項領成疾視誇降  
肛青瑣吾故物四壁徒徭徭茶坪澹蕩人喜聞足音楚

看花共蠟屐載月同浮艤朝來忽言別烟雨愁桐江飛  
湍逾箭激高下灘聲澗宜陽接湘澤浩歌采闌芷秋齋  
日蕭撼竹樹撼西窻耿耿不成寐口杵空擊撞官醞味  
苦薄傾倒牀頭缸野性逐枝鹿脫韁羨高驍行矣非少  
壯努力乘秋舲

和辛齋韻送鳴友之江西

莊令輿 阮尊

我生性崛強未易片心降曾見述庭詩竦立形踈摩  
挲兩目昏迎曦當宵缸奧思抉幽闕快論開愚蠢杜韓  
力能追屈宋心無憊騷壇整旗鼓筆陣排長鏃小儒言

詹詹比之別純厖昨從岱北歸握手欣雙雙談諧共晨  
夕逍遙樂鄉邦我今髡已秋君亦眉將龐學易叅象卦  
逃禪禮旛幢撫掌笑塵世語雜聲囂唳又被饑來驅故  
都棄如椿離情促愁思舊雨賡新腔詞峯矗層層文瀾  
瀉淙淙雨餘看山翠風起聽濤瀧曉扣衰露舫夜吟掛  
月簾晝坐耽殘編兀若臨溪椿酌泉水清泚烹魚腹脍  
肛懷古弔子陵烟霞鎖幽徑登臺歷危磴蹋地音跫跫  
我聞宜陽道筍葉蒙輕艫短檣移中流長竿插邊江松  
篁夾岸鳴響答泉琤澗嫩葢探早桂幽香摘秋苳計日

醉衙齋山光耀晴窗嗟余胸臆中硨磲相擊撞濁酒尋  
常澆一吸什伯缸狂名播人口如走疾足駢不甘老牖  
下旋乘閩粵解

題鳴友送別王芷園太守詩冊後

匆匆歸棹泊江潯送客新詩取次吟不是風流名刺史  
知君惜墨本如金  
三唐格律六朝辭共識毘陵風雅師萬里棲霞山畔路  
人人應誦述庭詩

和述庭見懷

都是萍踪飄泊身相逢共說旅懷新江山不厭窮愁客  
詩酒偏歸磊落人花過春留閒歲月雨餘雲吐舊星辰  
水邊樹底迎涼夜細聽清談勝飲醇

清暉別墅餞述庭丈之江西次舫齋韻聯句

掃空風柳暗郊堤徐永宣茶坪速客窺園劇好奇百態傾

青草墅楊士凝笠乘一篙輕撇碧葦絲東畝耕鋤攜圖便茶坪

南圃鶯花引夢遲贈別祗拈紅豆子笠乘灌嬰城下寄相

思茶坪

題述庭東菑耕鋤圖

海寧查慎行初白

欲作勸農詩逢年凡幾箇知君圖寓意聊用警游惰  
出閩無溢辭誰能家置喙我展鋤耕圖知君有德配

錢名世網菴

與君同歲生劣得半年長鳩竹相娛嬉梨栗互爭攘  
毀髻垂時頭角差可髣聖童戚友誇快婿先人獎遂令  
余妹歸承祭虔盼饗雞豚鎮過從蛩駝交倚文君先入

帝京鳴鑣驟塵埃王門英俊遊使幕奇文賞客居

鄒枚右才出東馬上聲華久烜赫骨性特骯髒浮沉書  
記間不擬櫻世網文莊騷屈原詩沈筆任昉百家恣叟

漁荒穢俱掃盪天機擢繭緒挹以西山爽八音趨自然  
聽者情懽悅當其力所屆瀾汗滄溟象鯤鵬曠搏扶下  
視枋榆搶世好豈妄投酷嗜有吾黨屈指身後名千秋  
可徐享余生無藉在射策曾技癢譬牽一葉舟大波涉  
漉沉浮危無畔岸因依少蒲蔣誓將返江鄉湖邊駕雙  
槳披君偕隱圖身羈早神往流憇柴桑村澄觀石戶像  
立苗欲疏通耘草勿鹵莽 皇家沛恩膏六宇遍豐穰  
務農良足娛刈獲資俛仰秫田貴盈千桑圃須接壤夫  
耕婦來饁蔬酒懽言饒花前布穀鳴隴上鹿車響持家

如鮑桓教子學孟仇秋深稻蟹肥朋尊啟甌盎何用肴  
核多鮭珍市交廣遲余同入林薄產求高印扶攜乘下  
澤負戴適莽蒼不能復鼓屨戰文卽掉鞅不能復鬪博  
開卷若指掌但能吟短章賡酬右丞輶孟城華子岡豹  
聲時緬想

錢濟世 頌齋

學也非耕士也非農史載六家流各不同旣握如椽曷  
羨如墉異哉述庭忽作斯容夫耕婦饁肅肅誰誰  
學亦可耕士亦可農橫經負耒厥道固通文章旣富耜

鉏亦攻賢哉述庭廼有斯容夫倡婦隨其樂匪窮  
粹乎其面詩書之氣今皤乎其腹經術之味今箬笠可  
戴襤褸衣兮載筐瞻女好遜之象偕隱之義兮

有妹有妹白首相莊二姓之式六姻之望在昔左讀於  
今饁耕一簞一瓠繫夫子是將維歲其有兮室家之慶

莊楷 蓼原

冀缺有遺風鹿門可偕隱只此三頃田種秫莫相哂  
懷新有良苗鉞水聞好語翛然林下風翠色染蒸屨  
研田只方寸縱橫無一可畫作耕饁圖周旋我與我

莊樗 晚菘

椎髻相從有孟光羹魚飯稻老江鄉之官却笑陶彭澤  
猶向公田費校量

襄陽耆舊風流在寫作東菑耕饁圖二頃當門青似案  
移家我欲傍洮湖

莊令輿 阮尊

研田一片耕耨六十年紙勞墨瘁屹屹虛宵眠頓身長  
依萬卷千卷側寄意忽在十畝五畝間早入名場心苦  
徑路仄曾遊宦海日眩波濤顛歸謀諸婦傾盡一甌酒

摩挲醉眼快讀幽風篇納禾穫稻喜識農家樂生涯決  
計盡付鋤犁邊頂笠披蓑東菑自來往提筐挈筥南畝  
相後先展圖故事恍若逢郤缺如賓相敬不獨傳簡編  
待君秫田種就釀初熟招邀舊雨同訪述庭前

徐永宣

辛齋

圖書足千秋小山盛叢桂掃去不繪圖毋乃太左計要  
知高人懷舉事破俗例劬躬警宴安偕隱况嘉儷獨憫  
雙白頭勤苦逮晚歲惟用詫史官

綱菴  
同年

野香發空際

錢人龍

汝允

水滿夏畦綠良苗意欣欣荷鋤東臯去力淺心自勤閨  
中亦無事筐筥饒我耘肅肅禮容備雍雍頰色溫相語  
溝塍間屢視水中根苗盛歲其有庶給養與殮固憫筋  
骨勞終冀收穫繁努力飽餐飯畢景歸柴門此言世所  
忽此義古所散畫師得粉本乃在桃源村觀其入情處  
有嗶聲可聞

先生富文史研田畝千鍾腹儲凶年粟是羨多田翁壯  
則走四方吐氣凌羣雄奈何功名薄疊疊時過中拂衣  
竟歸卧寥廓飛冥鴻酒闌花事稀野興日以濃寄情耆

舊傳直欲齊龐公又嗟膏粱徒救麥誰發蒙羽擇不下  
咽高廩堆陳紅寫此稼穡艱以申務本衷儻歌伐檀什  
吾不如老農

梁鴻老賃傭王霸終隴畝非徒潔其身亦各有賢婦我  
姑在中饋絕甘比藿白羹湯奉尊章酒食議賓友一家  
忘其貧六親媿其厚誰知用心苦白髮漸盈首儉勤素  
所習借隱逐良耦君子爲農夫願從君子後常觀列女  
障屈指數某某何如冀缺妻賢哉士夫口  
齊生四民內虛以士見稱讀書識幾字使我百不能長

安但索米未獲斗與升年豐妻啼饑一飯千憂仍常時  
出餽口便似行脚僧安得二頃田負郭南蘭陵但計食  
麤足富貴非所勝新園觸懷抱驚顧兩目瞪何必輞川  
莊高人王右丞欲徃共阡陌無翼難騫騰幾時畢此願  
茅屋連豆棚

趙彪詔

豹三

述庭先生豪雋姿日昃磊磊胸無疵多文蓄德大田稼  
禮耕義種堪時施先生詩筆更超絕天賦靈心恣雕抉  
掉頭忽詠歸來辭甘效山癯卸塵紕人生最好是身閒

紆金拖紫亦偶然曾憶龐公漢賢者幽居却聘自耘田  
 况復齊眉有良匹家風善詠湘靈瑟煮芹燒笋載筐來  
 林下丰神自恬逸君家仙骨天所生糾笠披襟韻轉清  
 陌頭相對迎涼坐噴盃時聞笑語聲頰毫添成真好手  
 秋圃慙余落君後余有秋圃灌畦圖亦褚生青來筆他時解后倘田間  
 染指可容嘗旨否

楊士凝 笠乘

所憂非力不改樂浮雲富貴凌神仙人生上策寃安取  
 識字未必如耕田

世人不士亦不農此意我已窺髯翁菑畝經訓戒弗熟  
 人力足自收天功  
 霜顛作苦畫圖存妄擬先生住鹿門長笑鄰家事遊惰  
 直從根本教兒孫

一夜秋原雨聲足杖藜沽酒前溪曲畫眉林下好風光  
 散作湖東數畦綠  
 桑柘惜惜坐竝肩一犁寒雨濕村煙村童熟識雙拄杖  
 敬是於國於鄉年  
 貧子天公故着詩却教此老樂熙熙村醪社鼓太平曲



十畝之間閑唱隨

北郭先生老萊子厚幣安車招不起相看塘上兩鴛鴦

頭白雙飛一水裏

中年鰥緒不成詩逢着劉綱顧影悲况是老充詩社長

稻花香裏慶齊眉

徐梅 思肖

先生蚤歲耽古編畱畬經訓如稽田耨爲講學種陳義  
筆耕勞瘁均胝胼道腴內饗非外效縱遇歲稔猶逢年  
他家啼饑坐媮惰午炊乏米期多誓惟茲黍稌比加糲

左飧右粥都憑擊堆盤晚菘繼早韭遠勝肉食羅萬錢

作甘之味淡而旨撐拄腹笥殊便便壯遊燕市志經世

譬指積困蘇顛連若教當路發儲蓄倉千箱萬同增川

劍刀轉眼化牛犢游手帖帖趨農佃花村那見打門吏

野老詎受催科鞭高山流水子期杳夜雨悽咽沉湘絃

忽從雲外勒塵鞅一犁耕破湖塍煙三時雨足溝澮滿

柳風皺浪成清漣閨中親餉嘗旨否載筐及筥踰東阡

溪頭憇語自食力勤勤轉覺形神堅秧針綠短刺淺水

黃塵不到寧非仙不知冀缺矢借隱福地較此誰全偏

且將福地置弗論後賢著作賢於前畫師畫師吾語汝  
汝名得附茲圖傳

雲間

徐振

白眉

農也以神稱稷亦以后著猶與古君相力稽敦本務降  
而二代英起家牛耕作後世農士分判若冠與屨吾儕  
習宴安生未識藝樹不耕而得食適爲造物蠹謀道殊  
未能讀書徒自誤仙山搏扶搖振翮青雲路志大百不  
成齒髮偏衰暮幡然歸去來決計學農圃課耕我繪圖  
耕饒君自署事有不約同盟心信平素詩人詠媚依於

此領其趣惟因賢孟光回憶舊荆布人生遭遇殊俯仰  
生悔悟咄哉兩老農托跡良有故世事戒滿盈物情工  
嫉妬結爲隴畝徒與人或無惡樂哉多牛翁慨焉有餘  
慕

吳龍見

惺園

憶昔定省趨燕山荷衣謁客驚蒼顏高文雜誦口流沫  
撐霆裂石誰追攀掉頭不受軒冕縛飄然芒屨歸田間  
攜家笠澤就魚麥孤雲落日披煙鬟龐公釋耕婦往饁  
林下散朗風神閒雞園聲價走萬里鹿門偕隱空塵寰

芙蓉城中懷舊雨知我苦吟蒿質孱願從先生扶犁暇  
榛蕪手扶開元關

送軼翁先生赴任含山學博蘇軾錢安世黃功

揚帆正值小陽春指日公門桃李新課藝拈毫許甲乙

談經揮塵靜翬塵江南髦士推師表硯北名儒列縉紳

莫對空盤吟苜蓿上林還待看花人

送軼人大甥之任含山蘇軾鈕長明緘三

宅相承天眷文旌載道行青雲遊子路白髮老人情

冠仕在今日立身求令名郵亭一樽酒把袂再三傾

恭頌楚堂湯老父臺德政

湖南桂東縣士民

役多民害古來傳騷擾窮簷事可憐一自使君勤汰革

閭閻從此得高眠汰革冗役

獄囚纍纍抑何多作孽由人且奈何自得于公加憫惜

春生庾底變陽和澤及囹圄

為少朱提滯課期易銀鎔羨亦難支青蚨今許躬投匭

踊躍輸將恐後時通錢便課

竭蹶窮黎辦正供那堪耗羨更重重君來一洗浮科坎

萬戶歡聲動碧穹 捐除戕耗

詐偽請張詎有情片言誰敢不輸誠水壺高映千秋鑒

數月臨民獄訟平 聽訟如神

多少家資一訟捐止因蠹役肆鈎牽自從良法標牌首

誰索差錢逼賣田 禁差勒索

一番桃李慶維新雅化由來羨作人自此山城瞻化育

宮墻誰不荷陶鈞 作養士氣

生憎稂莠害嘉禾敗類何堪不剪鋤快觀鷹鷂施奮逐

好教良善樂安居 除暴安良

丙午秋日送湯軼人先生之任桂東

莊楷 蓼原

山城地僻簡逢迎名宦從來懶近名盡日鳴琴清里訟

一春騎馬看村耕曲江芳草年年路南楚甘棠樹樹情

其說親民須長吏我今簪筆樂昇平

華亭 張仕遇 秉鈞

鳳凰臺上題詩去鸚鵡洲前建節行萬里山川佳麗地

六年江楚別離情悠悠曉夢塵隨馬漠漠春寒雨護城

好種甘棠三百樹他時留咏頌公卿

卷二  
吳之翰  
意園

九重特簡授銅章  
共慶郊圻荷寵光  
意氣古稱燕俠烈  
才名今比漢循良  
山多禾黍知秋稔  
邑有絃歌識化長  
四十年前同輩少  
杏花影裏憶升堂

奉贈軼翁先生

吳光祖  
振遠

幾回朝罷御香攜  
桐樹由來鳳鳥棲  
種得芙蓉花滿縣

還將干羽格鯨鯢  
公治桂東  
苗民咸化

誰道盤根利器徵  
那知彭澤本來心  
却憐兩袖清風外

一鶴相隨竝一琴

慙子伯仲浪棲遲  
久被裁成竟未知  
戊申家孟會邀青  
目亥春叩謁始知  
莫訝平津渾不識  
殷勤遙望好風吹  
五嶺甘棠綠蔭濃  
閒來幽興任從容  
願君鱸膾無相念  
指日恩綸下九重

乙卯初春賦呈軼翁硯長聊以代話工拙非所計

也祈晒之

龔時愷  
秋崖

牛平聚散溯疇昔  
自傷老大苦行役  
每看梁月望故交  
落落晨星幾莫逆  
憶在文場曾步武  
同采芹香共廊廡  
是年正當壬戌秋  
君才翩翩十有五  
知君學富足三冬

我猶瑟縮慚疎慵君雖未遂鴻鵠志已栽桃李膺花封  
太息流光竟如電踪跡無幾得相見五十餘年冉冉過  
我仍筆耕事几硯自歎頭顱已如許倦遊息關孰徒侶  
喜君解組從三湘指點知交吾與汝爲尋舊友足每前  
洗山吹杏詩仍妍湯莘叟句從此花朝並月夕時教曳杖還  
年年

軼人年大兄子同譜丈行丙午都門需次晨夕追  
隨既而宦轍各天音塵濶絕每因君小阮景曾  
詢悉杖履恨無緣一握晤也今春予調任毘陵

竊幸合并有日乃遽聞仙逝哀不自勝率賦輓  
章二首

海陽 胡文伯 偶韓

一麾迢遞赴瀟湘三載心勞兩鬢霜彭澤棄官原傲屣  
鬱林歸棹只輕裝相將泉石堪娛老不分星辰忽掩芒  
白馬素車天外至海山遙望鬱蒼蒼

卅載論交一刹那宦途踪跡邈山河量移我乍依珂里  
赴召君先上馭娑入室尙餘琴几在承家頗羨子孫多  
西州策馬泔泔淚忍聽淒涼薤露歌

春夜飲仲卓二兄小閣屬彈阮咸卽席賦贈

黃觀王 席門

一樽清夜此留歡  
鐵撥鴟絃十指攢  
紫塞月明鴻影瘦  
碧梧風起葉聲乾  
暮雲神女鳴幽珮  
春雨蛟龍下急湍  
心醉不知歸已晚  
獨看星斗倚闌干

恭祝拙誠太老先生暨德配余太恭人七袞雙壽

無錫 鄒一桂 小山

駐顏應不待神方  
鴻案齊眉鶴髮長  
海上春秋籌滿屋  
人間青紫笏盈牀  
葡萄酒暖蓬池膾  
玳瑁筵開桂殿香  
萬里棠陰家學在  
淵源十載荷 龍光

無錫 秦蕙田 味經

鳳蠟霞明介壽筵  
綵旄遙下紫微天  
玉簫度曲元雲上  
珠樹成林海日懸  
八百酒傾移永晝  
三千桃實薦華年  
卽看杖履春風外  
占斷人間樂事全

富陽 董邦達 東山

旭日曛曛映遠天  
木公金母祝齊年  
長生曲奏雲璈響  
不老花開玉砌妍  
脩桂含芳承湛露  
孫枝挺秀倚朝烟  
錦堂列座瑤觴啟  
相敬如賓陸地仙

無錫 嵇璜 拙修

畫戟森森萬石家錦堂高倚赤城霞金人掌上三危露  
元圃臺前四照花朱紱自攜鳩杖出繡衣都繞雁行斜  
通天競獻長生酒綵筆同拈詠白華

荆溪

儲麟趾 梅夫

槐堂自昔稱王祐柳母於今亦見之出牧膏流江徼遠  
含香譽播日邊知 紫泥天錫雙鳩燦青鳥西來九節  
遲應有畫圖傳盛事那輸耕鋤百篇詩

程景伊 莘田

中山右族著雲溪舉案爭誇亥字齊晴日懸弧還尙左

瑤池設幌本從西錦袍膝下娛班綵玉筍筵前擁杖藜  
金母木公同獻壽輕軒冉冉碧天低

金匱

張泰開 有堂

文章華國氣如虹累葉簪纓振古風江浦看花鳩杖外  
金門鳴珮鷓班中香移寶鼎烟沈紫綵繞雲屏蠟照紅  
五色鳳毛天下瑞丹山雙峙老梧桐

錢維城

稼軒

仙萸葉上轉韶光天闕笙歌吹鳳皇月滿瑤臺舞青鳥  
春深瀛海浴扶桑玉堦秀結芝蘭采珠樹華融桃李香



琴瑟聲中調樂只南山一曲百年觴

長沙 羅源漢 方城

東吳佳氣藹春暉德里椿護福壽齊七秩眉開青玉案  
幾回人慶紫金泥琅璈永奏諧琴瑟彩鳳雙儀煥璧奎  
快睹萊衣製宮錦年年勗德早朝雞

桐城 張若霍 函暉

毘陵風物冠江南况有雙星映遠嵐潘岳輿來山豐翠  
林宗舟過水拖藍大椿長護雲霞色天姥應開金石函  
拜手欲裁華祝句緗梅新放正清酣

山陰 童鳳三 鶴街

借老方看樂未央芝蘭遍發有輝光華於粉署賢聲合  
秋水春山攬興長錯襟航飛金谷雨繽紛袖舞玉枝香  
絳霄深處分明甚冉冉衣裳列數行

任邱 李中簡 文園

青裙縹緲天門開鏘翔鶴駕羣仙來已攀芝草光肴核  
更酌流霞入酒杯郎君崇階應星宿黃髮高堂同飲玉  
設輓懸弧及令辰共奕 龍章介景福

廣昌 饒學曙 霽南

燕市清居掩竹扉彩箋竟尺彩雲飛懸魚不入茅容飯  
宮錦新裁萊子衣遍地瓊瑜紅燭繞兩牀絲竹畫簾圍  
家傳玉茗春光句白髮朱顏照粉闈

鉛山 蔣士銓 心餘

雕弧錦帨一時懸方丈瑤池綺席連裴度功名多隱德  
劉綱夫婦恰齊年長生作樹桃初實比目成魚鯉自僊  
試誦三多偕老共宜男花放壽雲邊

嘉善 蔡以臺 季實

罨畫溪雲隱少微蒼松古栝倚仙扉攜將春酒開清讌

裁得宮袍作舞衣聞道蟠桃皆竝蒂自來彩鳳總聯飛  
金籠放鶴遙申祝誰說遐齡自古稀

江都 秦 翼 西巖

雙星照耀彩雲祥藹開畫錦堂獻到蟠桃都竝蒂  
泛來仙酒更聯觴忻看膝下成騏驎笑對堦前繞鳳凰  
此日齊眉人未老萱花椿樹永同芳

常熟 沈 欽 伯

金谷名園做玳筵椿萱偕老綵衣鮮清時白重商山皓  
高隱深知栗里賢曲徑飛花隨步障方塘流水雜鳴絃

郎官上應薇垣宿喜見斑衣舞膝前

大興 翁方綱 忠敘

逸休維德考維祺併作團圞五福齊喜是重筵休祐竝

巧逢七袞壽康躋鳳毛况見騰黃閣鸞紙曾看濕紫泥

錦幃斑衣相映處彩毫銀筆合雙題

歙縣 吳綬詔 淡人

祭酒粉榆重太邱高堂梁案祝筇鳩人從畫省知雙慶

瑞靄江鄉比十洲鑿落對斟霞醞滿參差同奏玉音流

干霄幾許庭前樹鐘鼎期頤取次酬

趙車翼 甌北

韶景先從律琯吹德門嘉慶瑞華滋海籌恰起瀛洲里

泥誥新加寶玉司席上鮓封來子舍堦前龍竹長孫

枝松醪十斛開筵處常看春光駐秀眉

錢塘 姚成烈 雲岫

蘭陵瑞靄鬱蒼蒼綵屋氤氳接景光盛德總應金管述

遐年借慶玉芝祥干霄椿樹聯南極向日萱枝茂北堂

粉署莎廳看鳳起丹宸計日錫龍章

無錫 王日杏 旦人

春生蹂蕾麗重陽子舍交輝玉樹光五袴競歌廉叔度  
六曹爭譽漢田郎歡承菊酒眉齊案舞罷萊衣笏滿牀  
鳩杖雙攜看矍鑠添籌應共海天長

仁和陳鴻寶

蘭陵佳氣曉氤氳五福徵祥獨冠羣耆舊傳經推伏勝  
閨闈偕隱數桓君長筵竝設紅鱗膳仙禁同膺絳籙文  
况有謝庭雙玉樹鸞封稠疊下彤雲

吳縣楊大琛

桃姿松骨宛雙仙大藥何勞訪偃佺共挽鹿車猶少日

相莊鴻案竝耆年九莖芝草森瓊砌千里霞觴艷綺筵  
預喜百齡純嘏錫畫堂春永靄祥烟

仁和沈清任

七袞齊開五福駢霞觴共祝地行仙錦堂簪說稱壽老  
麗景椿萱慶大年紫誥重頒佳氣溢綠衣雙舞德星  
縣木公金母欽人瑞會見榮光動

高郵沈業富

天書五色降絲綸國老開筵值令辰玉杖輕扶疏太傅  
雲駢高擁魏夫人杯傳春酒香浮蟻饌出仙庖脯是麟

况喜芝蘭繞膝茂和風拂綬綵衣新

借隱頻年住水南稱觴此日集冠簪福徵洪範疇添五

慶叶華封祝有三東海桃陳青玉案西王籍秘紫泥函

長庚須女齊輝日喜覩門楣樂事酣

拍手洪崖鬢未斑曉來翔鶴滿西山名留簫史神仙傳

家竝眉州父子間欲拾瑤華纓雜佩遞看采袖舞爛

堂前咫尺蓬壺路絳雪臨窻照玉顏

天門 龔學海 醇齋

常熟 顧鎮 古湫

長庚靄靄臨南極萱草菲菲映北堂借隱百年同白髮

承恩三錫共金章丹山彩鳳方凌碧元圃青芝正結

香此日庭階多喜氣仙璫催見紫霞觴

嘉定 曹仁虎 習菴

島屋添籌日闈庭舉案辰採芝耆望重題茗賦才新玉

杖推宗老琳函比列真蘭芽齊繞砌相映錦堂春

北闕承恩後南陔就養餘崔邠時奏樂趙隱好迎輿酒

泛紅筵膳泥封 紫誥書朝衫同舞處瑞氣溢門閭

易氏家乘

卷二 詩 贈言

三

秀水錢載坤一

正屆懸弧好兼逢設悅宜來春開八秩上日進雙卮華  
綬聯鑣起芳蓀奕葉滋自應多受福族望晉陵推

大興朱珪石君

星聚玉茗堂笙吹蘭陵里春秋分景丁二六今甲子班  
如駟馬駢蔚然五雲紫極北天光多江南風日美綵衣  
交鸞翔秀眉齊燕喜松茂而栢悅何用祝杞李

宛平張模晴溪

絲管聲調逸爵飛華堂風物肅晴暉棲鸞碧樹交桐茂

語燕瑤釵比翼歸曲裏竝歌紅綬帶座中雙拂紫霞衣  
耆頤預祝從今始看到桐孫長十圍

吳縣陸燿朗夫

德星遙映晉陵邊鶴髮相莊做畫筵有道人倫廚顧表  
宣文儀範帳紗傳華簪彩袖稱聯璧瑜珥瑤環識象賢  
南國榮光占斗極陳詩爭祝古稀年

臨潼張馨秋芷

晉陵佳氣繞斑衣鶴髮鳩筇竝古稀金玉芳聲式里開  
珩璜淑範表閨幃早聞驥足馳皇路又見鸞書下紫

微同啟瓊筵歌介雅南陔北極共春暉

南豐 譚尙忠 蒼亭

亭亭壽域轉方瞳太乙光連海嶽中三島樓臺深歲月

九霄絃管下天風參天玉樹借春秀承露瓊枝映日紅

最是齊眉彈寶瑟數聲晴鶴出金籠

侯官 何逢億 念修

日邊呈瑞色遙識晉陵家五馬聯香署雙鸞簇彩霞舞

衣金絢色庭樹玉交加更喜天書錫年年燦五華

侯官 林人樹 心芝

露華千朶照庭闈

陸龜蒙更有松軒挂夕暉 李商隱絳簡尙

參黃紙案

僧滄 浩瀛洲當作赤松歸 楊巨源海雲入座開丹

竈

韋 莊瀑水浸階濺舞衣 李白砌下芝蘭香滿徑 李邕人生七

十古來稀

杜甫 仁和 錢琦 璵沙

青山重疊樹蒼蒼疎松隔水奏笙簧南極老人應壽昌

玉盃錦席高雲涼西望瑤池降王母兒孫嬉笑換衣裳

君家兄弟不可當星精奕奕競奔驤九天雨露傳青

詔 御醴行開薦壽觴 集唐

荆溪任翔巢阿

儼然天竺古先生洞府仙鄉已有名年長每勞推甲子  
身閒不覺見公卿窻臨絕澗聞流水心仰高峯望太清  
常以素書傳子弟許教齊唱九臯鳴

集唐

博野

尹嘉銓

亨山

秩秩斯千裳裳者華以介景福飲酒孔嘉交交桑扈翾  
翾其羽以介眉壽式歌且舞振振君子温温恭人保艾  
爾後室家溱溱

集詩

嘉善

馮光熊

魯岩

蓉圃懸弧日仙曹獻頌初仁風揚井里粹德照簪裾眉  
壽齊鴻案春熙共鹿車圖書來几席蘭桂蔭堦除竝羨  
斑衣舞雙看紫綬紆名都封解遠畫省乞言徐璀璨龍  
文籙鋪陳鳳足菹會看三殿上寵錫賁鸞書

蕪湖

韋謙恒

約軒

巖徐推令望鍾郝著芳聲夙抱經綸志兼高月旦評家  
人易象著內則禮儀成玉樹迎風立琪花向日榮銅符  
勤撫字粉署重才名紫誥來天闕斑衣獻壽觥筵前  
朝旭麗簾外曉烟清最喜看鴻案祥光繞檻楹



海鹽 朱佩蓮 玉階

南唐相府燦瑤星通守昆陵有大名賢裔卜居遺愛地  
至今坊宅樹崢嶸

聞道中山克象賢竇峯家學一經傳名閨內德還多助  
玉女金童享大年

令子多才繼祖勳長公棠茂次蘭薰六曹郎署九州牧  
袍笏盈門萬石君

古稀嘉慶拜華堂盛事傳聞翰墨莊致遠耆年今再見  
稱詩爲奉兩霞觴

長洲 沈德潛 歸愚

錦衣戲彩列庭除堦下芝蘭帶露舒強健雙鳩稱慶日

天邊稠疊五雲書

仁和 趙佑 鹿泉

南極輝聯寶婺光清門人瑞綺筵張木公金母新頒籙

鶴髮童顏對舉觴舞綵宮袍欣繞邾含飴玉樹更分行

從知愛日添繁祉二老眉開慶未央

金匱 顧光旭 晴沙

德門喬木蔚參天玉茗風流奕葉傳謝氏門庭俱是鳳

劉安雞犬亦為仙  
花開四照明芳苑  
歌譜雙聲奏綺筵  
庚婺聯開五雲外  
榮光長燭斗牛邊

宜興姪先甲辛齋

熙朝人瑞魯靈光  
玳瑁筵開化日長  
膝下孫曾簪鶴髮

座中耆碩詠霓裳  
承恩舊賜黃封酒  
拜祝新含雞舌

香保世亢宗看濟美  
從知綽楔滿華堂

恭祝湯母余太恭人七袞晉五榮壽

桂平張其翔

梅粧玉樹月初弦  
寶婺星輝映碧川  
千歲果陳王母宴

兩江雲擁素娥仙  
晴開九畹蘭蓀茂  
露浥三秋桂子圓

玉茗堂中佳氣集  
幾翻春酒進瓊筵

平南覃景典

長春正是小春期  
瑞氣騰來護玉池  
露浥靈根萱挺秀

天培仙菓樹爭奇  
斑衣戲綵庭幃日  
晝荻傳經撫字時

拜祝公堂聊獻壽  
嘉賓爭誦有臺詩

平南袁緯繩

西陵佳氣鬱嶙峋  
慶集黃堂設悅辰  
鸞鳥喧聲來綺席

嬾星輝影入華茵  
貞松不覺風霜古  
慈竹常隨甲子新

午線添時開壽域萱庭歲歲祝長春

寶婺星輝遠靈萱茂北堂慈流潯水潔澤帶鬱江長

日舒芝草晴霞泛玉觴徽音傳鳳闕寵錫荷恩光

贈崑河先生次原韻

靖江姚復旦

秋風一棹寒江流丹楓白荻聲颼颼九峯豁達雲間浮

彷彿意氣元龍樓蕭條書劍翻然思何年束帛邱園賁

跋履關山行路難蓬萊不遇寧藏器他鄉萍水誰相知

飄留澤國沙鷗似繫纜龍城訪故交側聞董生

趾言動

耳見說崑河有湯君名高李杜獨出羣學優品卓重吾

黨志氣直欲干青雲踵謁書樓坐談久握手惜別情殊

殷況當舉玉來探識惠辱瑤章無吝嗇摛詞答謝羞江

花自笑空疎虛譽弋聞君北上待春來擬助壯懷餞一

杯掉頭慷慨適燕趙鯨魚跋浪憑風雷

送崑河叔岳北上

吳中聞名博洽子手執不律恩塵市壯志未酬多鬱紆

天鍊其才作奇士難經伉伉熟典墳腹笥便便貫子史

文詞鴻寶挾風霜詩筆昌黎掃糠粃秀逾楊柳迎曉烟

贈言

麕壓芙蓉照秋水臨池一字值兼金快劍長戟鋒透底  
著書理補朱考亭海內流傳貴洛紙青萍出匣知者稀  
光怪反遭俗眼鄙以須磨礪數十秋世上鍾期竟誰是  
當時同學諸少年葦珠袞袞登姓氏半生瓠落獨何爲  
久養修翎待時起一朝策馬去北平跋浪衝霄的自此  
此機此會多遭逢此行此去弗徙倚天壤浩浩世茫茫  
古人投筆封萬里莫怨他鄉暫別離男兒天涯如尺咫  
嗟我欲行恨無緣一衿坐困聊復爾隔天傾耳聽好音  
掣電傾城快燒尾他日南轅錦衣歸回首當年時命否

方知大器到晚成一笑啞然信天理

安平官署贈別崑河先生

德清

蔡茂亮

仲淵

殘書數卷屋三椽促膝論文已判年掌上疑團齊打破  
鑑中變態久窺全斗因揮翰催平子不奈登樓學仲宣  
遙憶客囊多古氣行人指是米家船

喬松歌祝崑河先生六十壽

有序

黃鉅

式齋

予同學崑河硯長先生東甌華胄江左名儒至  
孝性成感三冬之孟笋友于誼篤撫一本之田  
荆且其學富潘江文探陸海佃漁六籍時披委

宛之藏貫串百家日手岫嶺之卷聿吐詞而成  
鳳旋曳采以騰蛟兼之鏤人鑑以訓俗堪爲名  
教干城鐫示掌以啟蒙足翼聖賢經傳而又氣  
勝醇醪光同霽月襟期坦蕩町畦不設於胸懷  
情性謙和崖巽鮮形於眉角更善恤鄰而睦族  
復恒拯患以扶顛魯子敬之贈友指困未爲多  
也呂思誠之餉人持酒又何讓焉至其繡佛青  
鴛皈命於梅檀香座飯僧白雀虔心於簷蔔花  
壇廣種福田蒸爲馘穀特其餘事姑勿贅陳茲

當含桃饑薦之辰正值花甲垂弧之候麥天氣  
潤蓬壺開介壽之觴槐日風清海屋奏長生之  
樂趨庭雲鵠適符崔氏之阿鴻侍側璠璵雅合  
謝庭之玉樹階盈珠履戶接魚軒鉅誼屬通家  
情逾昆季登堂致祝旣酬犀笋之樽率筆成歌  
敢貢喬松之曲

中山之嶺生喬松千尋鱗甲如虬龍承浥沆瀣噴霧濃  
動搖星漢吟長風森森柯葉飛芝重雨後腰懸天半虹  
試問茲松何巍崇百千花甲紀春冬人間貞幹孰與同

中山學士崑河翁翁祖襄武建業雄屏藩閩海著豐功  
孫枝奕葉啟鴻濛崑河靈秀瑞所鍾孝友慈和信復忠  
襟懷磊落千頃胸縑箱萬卷恣磨礱藝苑騰騫著作豐  
鳳毛鯤化入翬宮鹿裘不羨萬戶封六十丹砂面駐紅  
倚雲長嘯碧天空四月千花塔下叢孟光舉案勸千鍾  
雙珠衣綵薦膳熊酒漉椒漿盈卽筒弄孫含飴榆景澗  
一門耽樂鬱葱龍翁歡起舞髮蓬鬆雙眸炯炯如懸瞳  
乘醉豪唎詞倍工長歌短句追飛驄詩成復飲漏三通  
耳熱酒酣樂融融慚予踏歌歌未工何以壽之指喬松

喬松鐵幹壽齊嵩翁壽齊松歲不窮年年松動濤聲洪  
年年松下笑攜筇

題崑河先生自娛集

丹徒張迪 恂叔

中山老名士窻下著書多大業騷壇占雄心鐵硯磨雲  
霄遲健翻風雨助悲歌白雪都難和蹉跎鬢已皤

奉祝崑河先生七十壽

季王佐 耘滄

道範端嚴衆所尊衣冠質朴古風存詞壇掉鞅推前輩  
家學傳薪啟後昆桃熟羣仙齊介壽花看令子早承  
恩臨川分派多名宿好比康成通德門

管復斗 紫垣

碧城晴色近蓬萊紫氣遙從海上來國士聲名稱八斗  
高人風度動三台重輪影裏寒珠履雙鶴庭前獻壽杯  
七十衣冠欣盛世亭亭玉樹羨多才

宣 晉 成憲

黃河來萬里驚濤怒奔逐一瀉歸東溟誰能量結束豈  
知源之發發自崑崙麓源遠流故長善滙自積蓄惟公  
年之壯積累多貽穀理學追程朱文章走潘陸著述藏  
名山流傳徧序塾紆迴數十年千兔掃已禿抱有騏驥

材而無孫陽目我公何怡怡儒風守素樸書籍傳中郎  
辛勤課誦讀照雪復囊螢斷壘兼畫粥孝友本天性壘  
篋誼逾篤親愛推餘恩姬煦到百族轉瞬登古稀千年  
果正熟養成雙鳳羽養志娛老福譬彼服春耕篝車食  
報速大蘇今飛鳴小蘇亦捷足老泉當何為頤養康第  
祿南極照錦堂青鳥啣丹籙年年玉鏡圓歲歲青松或  
槐蔭兆簪笏蒲輪錫車服長望彩雲邊稱觥效遐祝

戊子九日奉祝崑河太翁德配董太君七十壽兼

呈緯堂明府 昆陽 趙 瑗 檢齋

湯氏家乘 卷二  
母儀從古推鄒孟此日徽音嗣昔賢教子已成天下士  
齊眉正在古稀年萱幃香滿黃花節閨苑風清金雪天  
昨夜蓬萊逢燕喜青鸞紫鳳集羣仙

虞城

葛峻起

眉峯

婆輝重九候籬菊綻霜天悅設西池宴樽開北海筵德  
門星燦燦福蔭庇綿綿教出陶封鮒名成祖着鞭清琴  
彈鶴署惠雨澍花阡廉吏能爲矣顯親莫大焉行瞻  
寵錫誥怡慶古稀年祝向金萱月南山第一篇

恭祝湯老伯母董太孺人七袞榮壽

蘭溪

趙泰交

保堂

南極仙人雲錦裳星明寶婺正重陽香浮黃菊延年酒  
囊佩茱萸愛日觴瀛海籌添遙獻頌琴堂綵舞燦成章  
服官具慶人爭羨奕葉簪纓世澤長

休寧

汪脩鏞

芝圃

東來紫氣滿琴堂寶婺光騰菊正芳悅設古稀偏慶  
籌添重九最綿長萊衣初試宮袍錦鴻案先開百歲觴  
迺羨中山 恩命至怡逢金母頌如岡

吳縣

沈之燮

蔭南



湯田家弄 卷二  
今日遙瞻寶婺光欣逢德母壽筵張琴堂綵舞斑衣艷  
海屋香飄錦悅長五福箕疇占具慶雙成花甲衍重祥  
稱觴莫遂隨班願敬獻南山頌一章

吉林 沈芝 毓瑞

壽域朱襄迥萱堂集慶辰金樽香泛菊錦悅色浮筠鳩  
杖龍樓錫花冠鳳誥頻紀年千六百願祝等靈椿

商邱 高時驥 亦山

佳慶逢重九秋暉惜寸金好將資母意勗此愛君心  
香泛麻姑酒春生單父琴萊衣翻舞處霞彩入楓林

飲崑翁姨文席上賦呈二首

宜興 汪溥 玉田

吾丈精禪理靈山面面圓但耽翻貝葉不覺到羲年黃  
綺鬚眉古陶韋風雅傳又逢蒲節近榴火正當筵

經年塵務屏閉戶卽深山証道追人譜元功見玉顏邱  
園心自樂雲鳥意俱閒願得從函丈栖遊任所攀

毘陵湯崑河先生八十大慶令子緯堂明府乞言

於余書屏六十韻 金壇 于敏中 耐圃

鹿裘徵大樂絲髮會耆英八袞風裁健三吳澗閱清政  
聲歸衆敬經學付元成芝冊恩綸賁葱蘢命服榮

餘春方介福綺席恰稱觥執醬鳩爲膳陳庭鳳是笙蒼  
顏扶杖喜詰嗣捧符迎白社初儲秀黃星溯降生德門  
延右族早歲著賢聲孝友無疆業詩書不世情文辭皆  
授勝序說獨傳宏綆汲探源遠蕪芟聚訟爭觀時如到  
海擁處別成城典籍歸池翰衣冠習泮黌詞宗推絕妙  
學侶契維精張陸家風在荀陳世望併種蘭培實德拾  
介鄙浮名桐帽身常暇著簪志自縈阮脩甘澹泊石奮  
矢純誠歲月壺天度菑畚寸地耕斯人不碌碌有子况  
錚錚京洛趨龍馭周行聽鹿鳴紅綾 三殿錫綠綬一

麾輕株野分陂澤陳風挹泌衡板輿迎緩御花縣暢遐  
征蒙澤天垂幕隋隄柳拂程課功嚴式穀折獄誨持平  
攝篆懷仁扇逾時結德旌蠡臺千畝潤雪苑萬家晴總  
以趨庭訓而安比屋氓養年符令甲履道慶由庚築室  
蓉湖里供餐玉隴杭手抄勤楷法身健做書棚報國催  
鷓序求田狎鷺盟膝前辭上計 闕下鬱家楨就日還  
承檄臨風想濯纓白雲迴望合紫氣故鄉縈稱壽於斯  
日之官卽此行顯親堪錫類稽古識觀成羅宅祥煙藹  
江花瑞字呈時方秀萼煖天過浣花晶高館滋蘭蕙中

厨備笋櫻披綿黃雀脯通印子魚鯖婪尾花間酒遨頭  
 月底鐫題門寧有鳳隔院正聞鶯執友當筵喜諸孫繞  
 膝盈期頤辰屢屆岡阜頌頻傾戲綵謹油幄抽帆棹碧  
 泓瀉洮通澤藪茗雪接柴荆越水原宜稻溪毛可膾羹  
 青山環繞郭翠澗細流箏以此承顏色何當學羨彭小  
 樓翻貝葉香燼炷虬更所祝人寧宇兼懷穀滿籬全家  
 資豫順百歲更崢嶸謬以通家好為陳載詠賡商山常  
 守皓老子在完嬰久道占熙績重封卜珮珩梓林惟萃  
 萃椿圃永菁菁自昔曾無比於今長似卿

恭祝崑翁太老先生榮壽

德清

徐秉愿

恭生

蓋聞歲星朗耀元聯牛斗之墟壽域宏開瑞擷

溪山之秀叶九如於華旦曲度長春占五福於

吉人詩稱難老而况望重香山人尊洛社年希

伏勝傳經推漢室之生學擬枚臯奏賦號梁園

之叟當吾明府分符之歲適太老先生晉秩之

辰紀初度則芍葯翻紅介遐年則葡萄映碧祥

呈玉塵瑞溢金鸞愛日永琴堂賡高歌于維嶽

春風被花縣迓景福以如川

秉愿

自慚薄植託

陰靈椿綺席安絃竊冀焦桐入聽芝庭列樹欣  
將芒李留栽效舞鶴以翩襪踵趨鳧而拜洗思  
深絳縣望切丹邱用吹華黍之笙謹獻岡陵之  
頌

江表耆英鶴髮新毘陵花木遍生春光聯玉樹輝華闕  
彩泛銀洲近紫宸物望千秋昭月旦儒林一代荷陶  
鈞山城瑞靄通南極仰止崧高頌甫申  
壽世文章出大家金貂奕葉美清華霍林遺響猶堪嗣  
玉茗流風未足誇秀擷詞壇多藻采瀾迴學海有津涯

盛朝秘閣崇搜討佇見藜光照五車

西山衍義補瓊山奧旨微言孰可攀拂塵談經超意象  
披帷講學訂愚頑和風鳥語春如許細雨苔痕綠未刪  
書卷性靈綿歲月丹砂何用駐童顏  
蘭陵風物自澄清珍重先生擁白城胸蘊慧珠膏入照  
學深淵鑑息紛營道原孔孟言有本理闡程朱語最平  
名教一編堪壽世晨鐘暮鼓令人驚  
菁華薈萃日流連著述渾忘大小年不比養生閒作論  
豈同齊物解留篇服虔九十推耆宿方朔三千傳列仙

稽古餘榮饒樂事期頤寵錫賁鸞箋  
巍然共仰魯靈光萬口歡騰畫錦堂  
命世自來高綺季  
紹庭且喜媿龔黃  
追陪杖履春臺近  
沾沐甄陶化日長  
分得餘暉榮小草  
願隨葵藿共傾陽

恭輓崑翁太老先生

德清

蔡環黼

高牀

蕭瑟林臯慘不輝  
悲風颯颯動靈幃  
須知高士干星象  
昨夜寒香失少微

板輿幾度憩流泉  
半月雙虹結素緣  
回憶溪橋曳杖過  
鬢髮白髮柳陰邊

恭輓崑翁三伯大人

姪

夔勳

岳巨

處士星沉斗柄闌  
老成凋謝共嗟歎  
名時經術推師表  
聖代恩波贈宰官  
華表鶴歸秋月朗  
仙山蟬蛻白雲寒  
比來空感山陽笛  
楚調於今不忍彈

送湯甥孫書北上步錢綱菴韻

莊

樾

晚菘

臣精銷歇渺難追  
喜見吾甥入洛時  
鸚鵡文曾誇健筆  
鷓鴣賦好托深枝  
金當鎔後方成寶  
玉縱焚餘豈受淄  
寄語風塵鞅掌吏  
戴星出入在忘私

六弟時為大興令

題葑岡三兄同年力田逢年圖

金匱

張泰開

有堂

夏夏霜鎌艾穫餘力田會慶有年書試看茅屋楓林外  
萬頃黃雲十里疎  
空向經畚望歲豐無田我亦與君同耦耕預訂他年約  
先買南村一畝宮

秀水 鄭虎文 炳也

吾亦欲歸耳無田愁奈何看君作圖書隨意得行窩鄉  
有如雲鍾鄰多荷雨蓑從人學農圃此願未蹉跎

錢塘 金 牲 海住

士從田間來仍慕歸田樂有田未必歸無田常擬託辛

苦憶鋤耘豐穰慶收穫鎌磨新月樣隴被黃雲幕落手  
風雨快壓擔筋力弱畫餅詎足供屠門聊試嚼我欲從  
君歸歸夢愁空作儻援蕉鹿例幻景乃真獲騰身入圖  
中及今先着脚

同安 陳桂洲 修堂

東家買田千萬頃一遇凶年靡所倚西家收田百室餘  
一遭揚簸移他氏探花湯君禡落人無田翻作有田視  
尺幅圖中寓意况黃雲栖畝聊爾爾手執霜鎌引擔者  
獲之捏捏從茲始此田不在阡陌間播殖沃壤方寸裏

易氏家集 卷二 詩 贈言

堯湯水旱莫荒沒房杜子孫莫破毀歲取十千不爲過  
多收十斛尙未止仁耕義耨早辛勤膏粱屬饜在此矣  
始知有田之田不足欣無田之田田更美湯君此田長  
有秋東家西家富翁何可比

吉水

羅暹春

旭莊

丈夫志四方高談薄農圃古來濟時人帶經猶菘黍當  
其初未遇往往儕田父日出隴雲黃秋風散鳥鼠腰鎌  
往有事眷言偕童豎水光映山橋稻香被原塢感此風  
雨好還憶耕耨苦迺知逢年者力穡訓自古

先聖論耕學理在數則然經術况菑畚誰云舍其田  
較青衿子小小親蒲編以彼歲事登因知道力堅朝陽  
一高鳴儀羽輝瑤天由來一畝宅信有席珍賢人生積  
勤餘所得彌拳拳作圖示永久感歎成詩篇

葯岡表叔以力田逢年圖屬題予見其阿堵與山

漁圖不同疑爲令子寶鴻小照題詩與之已而

葯岡以詩見還具言此圖乃其二十年前所寫

因爲改題請正

楊述曾

岷山

君圖在壯顏未蒼君年今老鬢已霜披圖不更識君面

却將神似誇仙郎還詩晒此一个錯火急追逋句重作  
 端相風貌心事知聊寓菑畚與耕獲君不見金風銅雀  
 鳴三秋黃雲百斛紛紛收二月新絲五月穀康年無限  
 農家愁又不見耕鋤六籍東華客簪得宮花無擔石朝  
 藿暮鹽常不供少壯幾時頭雪白力田漫說逢年多縱  
 是逢年便若何世事茫茫邨可問不如一醉衰顏醜

題葯翁親家老先生力田逢年圖尊照

荆溪 儲麟趾 樸夫

幼讀丹陽詩曠懷田墅樂柴門俯流水墟塢殷花萼雨

濕金犁耕霜重競鎌獲乘暇山中遊放歌渡畧約歸來  
 晝掩關杵就長生藥羈身軟紅土鄉夢繞村郭先生蓬  
 山侶杏花看燒灼作賦研京都摛文傳館閣而乃十年  
 前位置在邱壑製成耕獲圖比畝黃雲絡負禾阡陌行  
 明月照歸屨志士嘗苦辛勇退欣有託淵明豈其亞擊  
 壤聊自若紀實非寓言將身個中着嗟余儉歲農空倉  
 守鳥雀經畝已荒蕪何處縻好爵有田便得歸願赴東  
 坡約

書葯岡夫子力田逢年圖後

錢塘 梁敦書 幼循



青雲萬頃羣仙都羣仙種芝稱上腴飄墮人間宜黍稌  
九龍蜿蜒開奧區吾師得之利耰耨惠泉百斛時灌輸  
嘉種誕降稂莠除和風甘雨報勤劬嘉禾重穎無時無  
玉粒粲粲玉不如上帝顧瞻顏爲愉第功已首羣仙居  
仍世厥業工無虛屢豐年上供天庾仙田芝草芳根儲  
稻孫還化芝千株芝頭甘露明如珠

奉題葑岡三伯大人力田逢年圖尊照

宜興儲秘書 玉函

披圖見野色茆屋楓林邊中有澹宕人腰鎌指遙阡秋

禾旣堅好垂穎如駢肩回憶樹藝初辛勤手爲胼時至  
乃有獲食報非徒然先生幼積學早夜窮精研經畝殖  
根柢腹笥彌便便一朝謝隴畝遂陟蓬山巔遭逢信可  
必所貴用力專寄語後來者慎勿荒其田

題葑岡三兄同年紅杏山漁圖

金匱 張泰開 有堂

溪頭漲綠縈花嶼紅杏村村嬌欲語環磯荇藻影交橫  
一竿獨釣花深處先生本是煙霞人結茅愛傍湖之濱  
此間會心不在遠春波漾漾浮纖鱗憶昔看花隨上苑  
玉堂下直歸鞍晚而今舊夢逐東風年年春雨江南遠

羨君得住水雲鄉投簪新集芙蓉裳有時得魚便沽酒  
落花流水同徜徉

秀水 鄭虎文 炳也

無事此垂釣不知天地春青山自滿眼紅杏欲隨人水

定平於掌魚貪偶上綸放竿何所得一笑賸閒身

錢塘 金 姓 海住

見說枕流漱石未妨樵水漁山牽船岸上可住泛宅波

心自閒試問探春杏蕊何殊銷夏蓮灣嚴陵况有遺跡

釣臺高出雲間

同安 陳桂洲 修堂

天地一濶廬萬物任游戲鼠肝蟲臂總無端聊隨意境

適所至風可御陸可船鳥可入水魚可上山杏林逕裏

高士何妨垂綸竿非釣之釣不漁之漁迷離縹緲非人

間箇中妙理向誰吐指點南華一部問眼前化工何如

萬壑煙霞花千樹

述會 此山

採於山美可茹釣於水鮮可食退之語在記分明就下

因高隨所得豈知人間事未可拘一則君不見枕乃流

澗乃石匪是空言不徵實心惟無繫適之安不用舟車  
間南北湯君山漁圖命意此適獲春雨花殷一片紅晴  
岩竿試千重碧釣本非釣無事臨漣漪漁何負魚適此  
且朝夕豈如張志和老向煙波水爲宅還同孔巢父高  
拂珊瑚樹幾尺卽今掉頭不肯住秋水潞河初掛席白  
雲自在天蒼波渺何極非屋非舟聽自然一綸在手釣  
還直至風何輪對石漁魚何人水漁何土山杏林野  
天賦題葑岡三兄同年紅杏山漁圖卽送歸毘陵

吉水 羅暹春 旭莊

先生昔在曲江頭風流文采珊瑚鈎先生今歸陽羨里  
獨抱綸竿磐石趾陽羨山前千樹花朱輝亂射攢紅霞  
花開花落等閒耳錦鯉銀絲味轉佳知君掉頭畱不得  
展君此畫重太息我亦江上濯纓人他時來訪滄浪客  
杏林題葑翁親家老先生紅杏山漁圖尊照

荆溪 儲麟趾 樸夫

蓬山濕紅膩曉烟仙人揮斥珊瑚鞭  
嬾嬾秘讀亦偶然  
釣絲千丈雲霞邊會逢天上開瓊筵  
宮壺酒醖珍果圓  
流觴曲水步躡蹻歸來捧腹外人傳  
一涉江干聽採蓮

瀛洲回首幾歲年笑共麻姑指桑田山中紫芝大如拳  
乘湖弄月月滿船玻璃盞盞醉欲眠俯視塵世逾大千  
奉題葑岡夫子紅杏山漁圖兼以誌別

錢塘

梁敦書

幼循

杏花片片霏香雨流水潺潺漾晴綺春色無邊纈碎霞  
一泓淨綠漁翁喜吾師早探上苑花瓊洲瀛海泛仙槎  
六鰲連山恣漁釣竿絲萬丈橫風斜玉堂秋水掄才俊  
巨網恢恢隨掌運長鯨同喜被搜羅寸鱗亦愧霑芳潤  
自別龍門逾十載春風幾度花如海一麾幸出鄭公鄉

絳帳重親挹丰采趨侍方聆清誨深移官湘浦忽分襟  
披圖漫羨垂綸樂翹首高山思曷任

我年奉題葑岡三伯大人紅杏山漁圖尊照

宜興儲秘書玉璽

杏花時節憶江南淡墨春鱗上蔚藍不羨蓬池斫仙鱸  
十年前已早抽簪  
紅萼扶疎碧澗虛翛然衫屨謝朝裾先生直節矜微尚  
把釣原非爲得魚

恭送名翁湯老先生榮任紹興司馬

湯氏家乘 卷十一 黃 鈺 式齋

駐節山陰道遙聽政異聲春和風佈暖雲淨月同瑩墨  
綬三台錫朱旛百吏迎若耶溪畔水好伴長官清

恭祝蓉溪公祖榮壽 山陰 陳琮

蓬萊高閣望東瀛又值仙籌記上庚顏駟秋班五馬貴  
蔣欽才比一錢清花邨萬戶春皆到桴鼓三江夜不鳴  
拜手筵前何所祝衢歌正配玉簫聲

賦贈蓉溪公祖 海寧 陳世鐫 蘭寧

南州風節冠中朝佐郡還推治行高海上鳴琴清夜月

庭前懸鑑察秋毫家家樓閣聞歌袴處處溪山樂種桃

林下欣聞傳德化頌聲千派響雲濤 杭州 唐詩 以南

五馬朱轡振越疆使君真不愧循良當年兆夢名皆仰

今日膺符姓更香桑柘勤農沾澤普詩書養士沐恩長

蘭亭稷蹟傳清賞公暇揮毫擅二王 萬山 珠粟人 郭

蓉溪大兄監兌湖州雪夜奉懷戲以押運同寅三

姓為韻 聞喜 楊 洽 允升

絮影因風起碧楊夜寒無那素琴張知君興逸茗溪上

活火新茶試雪湯

送蓉溪公祖督運北上

山陰 陳琮

司馬高門駕昔賢紫桐如繡簇華筵清聲已似龐京兆  
僊骨原同葛稚川一掬白泉鳴釜篋萬屯紅粟入淮船  
南來飛鶴應俱悉看譜勞心入管絃

潞陽

胡李鑑

珠玉文章梁棟材越中司馬見竒才聲名久著東西浙  
輸運嘗過南北臺鄉國椿萱頻侍膝行齋詩賦復傳杯  
黎元倚庇追東序不特簡應從天際來

淮上喜晤蓉溪寅長先生奉別卽贈

平遠 林良銓 聯廬

粵海吳山萬里程天教踪跡聚浮萍班荆人坐春風暖  
擊楫官同秋水清已快披雲逢樂廣還應結綬共蕭生  
淮陰一飲醇醪後剪燭巴山夜夜情

蓉溪夫子兼篆山陰恭呈二首

上虞 陳志學 少亭

斗山望重荷陶鈞矯矯丰儀表縉紳遙聽弦歌千戶月  
平分雨露萬家春好風直欲吹仙署佳氣從來萃吉人  
將近妙香舒桂魄秋光絕勝艷陽辰

家學臨川盛有名才華無地不心傾深知操凜冰壺潔  
更美神懸水鏡清循吏慈恩沾萬物宰官肝膽照諸生  
即今異績難勝紀惟聽棠陰歌頌聲

紹興試院贈湯蓉溪司馬

金壇

于敏中

耐圃

視學來於越交遊徧鉅公才猷吾子最治行古人同魯  
析枌榆近甌封閤閱崇遙占政成日不讓蜀文翁  
昨過山陰道謳歌處處同琴堂敷化雨鎖院挹清風官  
守兼三篆庸熙亮白工此邦欣握手贈答滿詩筒

小春四日環游桂始花適蓉溪公祖蒞任賦呈

絕

山陰

王

凱

天湖

月窟根分海上栽氤氳時逐好風來欲供太守吟清韻

特緩秋香兩月開

恭送蓉溪寅長先生榮任滇南卽次留別韻

蒲州

奠今德

秋崖

露冕褰帷出越州迢迢南去雇民謀春光此目漸猶碧  
蜃氣他年海欲浮五馬驕嘶萬里別一鞭輕拂四方遊  
何時重泄山陰道共策鴻猷慰夙愁

紛紛惜別自殷勤離思遙連海島雲八邑歌功留舊澤

一麾出守耀新文  
愧無佳句酬高唱  
自覺賢勞出衆羣  
品望須知今愈重  
莫言清操畏人聞

桐城

張肇曾

依韻

風清禹甸樂于胥  
聽徧仁聲初下車  
我傍鵲巢懸柱  
君搏鵬翮遇非疎  
箕裘自昔三江蹟  
欵曲從今一紙書  
他日相逢南詔路  
欣然滿志更躊躇  
東楚懷詩醉後成  
相從渾欲化龍雲  
幾年渤海咸安業  
何日江東重論文  
鑑水餞行清可酌  
稽山留句雋超羣  
一琴一鶴竟行矣  
千里猶思拜使君

恭送容翁憲臺榮升與南四太守留別  
謝慶來

慎軒

政寬僻壤罷追胥  
甘澤相隨下地車  
愛鶴每支官俸養  
鳴琴敢爲職勞疎  
銷魂春雨橋頭柳  
望信秋風雁足書  
得句迢迢前路去  
看山不厭馬踟蹰

奉天

祖承佑

竹馬歡迎仙吏來  
如何又欲去蓬萊  
家風遠紹三江業

謂明太守  
湯公紹恩

治術原非百里才  
坐擁琴書消寂寞  
閒聽鳥

聲絕嫌猜鏡湖桃李都栽徧  
笑指春光滿越臺

豐年屢慶樂華胥  
甘雨長隨五馬車  
撫字心勞官豈拙

蘇氏家乘

卷上 詩

贈言

三



在科情切政非疎烟籠翠嶂閑招鶴日映紅樓夜校書  
素白家傳真不才不才水餞獨踟躕  
羣瞻德教溢方州盡瘁曾爲報國謀松捲晴江萬樹響  
霜橫銀海一天浮放衙且作觀棋咏出郭還爲載酒遊  
瀟洒清標誰得似不堪回首動離愁  
陽春有脚經行地未舞衢歌望若雲鑑水恩膏霑士庶  
龍山雅化煥人文肅清法守原無對卓犖才華自不羣  
遮道攀轅那忍別憐他父老獨思君

恭送蓉溪憲臺榮任滇南卽次留別韻

阿迷州 萬以敦

萬里殷然捧檄來正當五馬別蓬萊幸循舊政收殊效  
饒有遺猷仰異才畫軾新開將迤遠福星西去漫生猜  
吾鄉喜得瞻殊績應指南山頌有臺  
家在滇南古佛州怡隣憲治仰鴻謀山川有幸分河潤  
筆硯無塵煥翠浮去住纒聯萬里別賢勞寧憚四方遊  
他年績報循良最重慰江東父老愁

南昌 彭元璋

長途舊爲護儲胥春雨新隨刺史車身在關河應漸老

情留閩井未全疎八年考課多兼篆六計賢能好並書  
從此去思碑畔路愁看出轍一踟躕

得意先占夢益州廟堂自古重嘉謀 皇恩似海無邊  
濶宦跡如萍逐浪浮一別綠莎留夜話何年紫馬又春  
遊南滇東浙萬餘里寄興孤雲片片愁  
驛路鳴騶唱未成一錢爭餞暮江雲久將撫字稱循吏  
猶有風流起大文翠黛欲留詩正好碧波無色賦超羣  
何須把酒重含涕父老前頭一拜君

歸安 沈彥縉

僊吏曾聞鶴化成蓬萊山近蒲廳雲遲留卧轍悲黎首  
作別攜樽媿廣文錢捧清江來五老歌傳竹馬擁千羣  
只今不數高唐守郊野家家拜使君

寧波 史炳宗

龔黃異績化徒胥陳戟先傳鹿挾車人靜訟庭春寂寂  
鶴遊卧閣月疎疎持齋許見香巖佛治水還存禹穴書  
才地清華名跡美褰帷臨眺自躊躇

安吉 李志魯 鳧峯

見說會迎竹馬來風清越境翦蒿萊分猷徧布優優政

監運還推上上才撫字八年兼守令賢勞四載絕嫌猜  
卽今琴鶴相隨去鑑水時懸玉鏡臺

耶溪父老樂于胥爭看君公隨雨車一路福星真保障  
三江治績詎迂疎增來膠序無窮色勒就貞珉不朽書  
自昔仁風扇於越攀轅此去更踟躕  
分符管領跨三州駐節逢萊裕遠謀萬頃甬江波自斂  
千重台嶺翠常浮風流此日推強仕政蹟他年記宦遊  
盼望行旌思去後暮雲春樹倍離愁  
一官落窳荷裁成胸次頻開撥霧雲雅重寒瓊期有道

深托空吏恐無文方隨槐李邀清賞漫指駑駘許軼羣

喜被 忍淪愁遠別幾人卧轍送神君

嘉善 張身浩

頻來奉使備青謁績還添五馬車乍挹恩光見恨晚

旋言談塵遇河東鄭轅攀處容留佩李軾憑時漫掛書

從此河橋春黯黯馬前折柳重踟躕

一經培植荷 城渺渺相思寄白雪剩有桑麻留政績

兼栽桃李煥人 院庭會見翔烏瑞遮道還看擁鵲羣

玉笋山高成竹 望遙知到處頌神君

定海 張紹載

八載勤宣政有成和衷人許附青雲  
計安閩井誇殷庶  
重煥宮墻見大文趙守隨車鶴白衛  
李侯擁駕鵲成羣  
雙旌望望山陰道此日何緣借寇君

錢塘 王張標 可傳

優游四野少追胥行郡歡呼拜後車  
名杜當年勤撫字  
龔黃今日豈迂疎八年保障名臣業  
一紙丁寧長者書  
卧憚徒殷留未得南行馬首幾踟躕  
晉秩盤江鎮一州別來渺渺憶嘉謀  
桃花浪暖 天儲

重麥秀岐添瑞氣浮蕩漾湖光涵遠澤  
周遭山色送長  
遊從今閩左驚心處風雨甘棠觸撥愁

恭送蓉溪公祖陞任滇南卽次留別韻

天台 齊召南 次風

遮道攀留抵日曛迢迢官舫向滇雲  
空傳馬上推敲句  
誰寄峯頭著述文桃李將看仍接迹  
蓬蒿獨自悵離羣  
他年兩浙虛廉鎮願得分符是使君

會稽 魯會煜 秋勝

治懋循良報政成 寵褒詔錫九天雲  
紛留治譜都佳

政增重循聲有大文奚止口碑盈載道還看卧轍盡成  
羣從前障海流恩溥遺緒能繩屬使君

會稽 補山  
金以成

道臨五馬古梁州依舊田廬衣食謀遲日桑陰青故故  
春風麥浪綠浮浮名齊卓魯誇循績勝抵湖山足宦遊  
萬里行鞭烏繞去瀛雲迢遞莫生愁

山陰 孝恩  
言世永

津亭開宴和歌成倍有深情黯暮雲不獨維持隆祀典  
還叨栽植重斯文澤流俎豆虔將日化被茲歌敬業羣

到處都能傳治譜居然前軌繼三君

山陰  
劉廷棟

大郡纔邀福曜來 王程又迫去蓬萊滇南久待文翁  
化江左難留莘叟才五馬遙從天末降雙鳧過下望中  
猜鑑湖八百棠陰遍去後懷思上越臺

固陵濤激漫名胥莫阻長驅熊軾車難得循聲人共仰  
獨慙吏治我偏疎魂銷此去三秋濶日極南來一紙書  
祖席醉圖分手易願遲叱馭少踟躕

山陰  
許景仁 澗翁

五馬新承 寵命來未遑使節駐蓬萊一麾待著籌邊  
策萬里行規治郡才遠近歡歌都被澤從容坐嘯了無  
猜羣思借寇難爲計仰首清風滿越臺

政先約束首羣胥次第農桑夙駕車化浹窮荒聲較峻  
威行大郡法寧疎省刑喜見無塵牘褒德榮看有 詔  
書他日重過棠憇舊幾懷惠愛幾踟躕

山陰 沈士鳳 南塘

由來惠政罷追胥彰德曾高刺史車別乘同宣王化遠  
鳴琴未是宦情疎頻年輸輓關心計一紙丁寧盡手書

豈意滇南重借寇星軺垂發費踟躕

山陰 朱文潮 海門

民清政簡絕包胥夾道兒童愛鹿車正喜占星臨是福  
豈緣嘯月坐成踈川巖經眼杼心畫輿榻留題重特書  
聖世徵才難借寇瀕行搔首幾踟躕

綠莎廳事報初成瑞應遙瞻五色雲官似陽城勤撫字  
師延趙德振斯文隼旟到處嗟何暮驥足由來羨不羣  
頓迫 王程催上道教人無計更遮君

山陰 金惟丙 書巖

幾見三吳載米來清厨祇采北山萊陳蕃不負題輿筆  
裴邈真成越府才善俗已徵桑雉異忘機渾化海鷗猜  
共憐借寇終無術愁報徵書下玉臺  
仁風披拂罷追胥悵指行旌擁後車誰信催科政是拙  
方知強教語非疎攜裝剩有修翎鶴壓載仍將舊篋書  
渺渺滇池在天際江干跂望更踟蹰  
碧雞金馬古梁州見說羅蠻久寢謀古樹芽萌從昔驗  
石龍鱗甲到今浮閒來好挹西山爽勝處宜尋夾浦遊  
應念黎民蒙舊德鏡湖新釀幾多愁

撚髭追做句初成靄靄終慚空際雲四野謳歌留惠澤  
一窗風雨感斯文鳳毛騰采都殊色驥足超光迥不羣  
他日功成引退後碧梧軒下理桐君

上虞 陳志學 少亭

長風習御狎靈胥未遂攀援驥服車垂柳沿堤眠欲起  
甘棠繞郭密還疎八年化雨千秋鑑六詔風塵萬里書  
從此江關悵遠別我公馬首亦踟蹰

山陰 劉邦基 青衢

夢叶三刀是益州不辭邊徼展殊謀與民歸厚期存樸

敦本還淳重黜浮赫奕朱幡常按郡從容紫馬每來遊  
他年佳政隆隆起仰首滇雲動遠愁

恭呈蓉翁老祖臺先生兼以言別

寧波 范從律

纔由五洩返遊踪靜對仍依宛委峯興溢南樓情繾綣  
坐深東閣語從容雅懷倍荷如雲重別意偏憐似酒濃  
差喜雙湖鄰一曲他時重擬溯洄從

題蓉溪先生小山叢桂圖

德州 曹則古

小山叢茂花繽紛錦繡弄色清谿新墨霞鋪水錦紋起

石田那許容纖塵當年曾買蘭陵舟其時未識韓荊州

不聞楊柳是門處何緣唵嘯登樓頭今來滇中接談笑

文采風流不可貌人間妙手偶得之景物輝映鬚眉肖

將來還欲遊江南待君老掛切雲冠與君載酒畫圖裏

笑看五桂揮灑芙蓉箋

寄澂江郡侯湯蓉溪公祖

嶧峨 周於禮 立厓

到日兒童竹馬迎年來逃聽播循聲凌雲閣下仁風遍  
舞鳳山頭化雨盈鴻羽可儀資振拔鼠牙無獄頌神明  
他時節鉞仍南詔猶望塞帷按部行



里句恭呈蓉溪老公祖大人

澱江陳綸

新政欣看兆姓寧蠻方惕息仰雷霆尊臨千里知威肅

望重雙旌在德馨春谷和風扇麥隴仙湖夜月照莎廳

彤廷太守三公選不獨滇南頌福星

呈開化郡侯湯蓉溪公祖

蒙自尹壯圖 楚珍

績奏循良譽望高量移曾說夢三刀

公自澱江調開化俱漢益州郡疆

分中外邊防重地雜民獠撫字勞春雨虎溝臨檠戟秋

風龍洞擁旌旄東方千騎諸侯貴早晚君恩賜錦袍

送蓉溪公祖持服歸江南

開化劉芝錦

三年德化洽牂牁萬里驚傳痛蓼莪天意不教慈母住

民情其奈使君何翔鳥接翼迷歸舫遺犢哀鳴逐逝波

從此甘棠休剪拜重來黃霸莫蹉跎

壬午夏仲送蓉溪老弟榮任潯州

仁和兄世昌對松

宗交代遠未全迷越水毘陵地望齊初見君方熊畫軾

重逢我亦杖燃藜舊敷膏雨垂天末新播循聲入嶺西

華髮相看殊健在傾壺底用惜分攜

使君來 并序

臨桂陳宏謀 汝咨

美潯江太守湯公也余聞漢世采詩入樂上之  
華髮人據以考政治之得失課守令之殿最故其治  
重教廷最為近古所謂聲音之道與政通者非耶古樂  
宗支少府有雁門太守行余讀而善之繼又念古所謂  
良二千石與天子共治者豈於當世果無其人  
乎抑有而未之見也如吾湯公則何多讓焉公  
治潯之明年百廢具舉邦之人咸相率為詩以  
美之余不敢以卑鄙辭因放樂府遺意惟采風  
三平韻者擇焉

使君來在外野前行攜壺漿後行跨竹馬一解使君至坐

廳事觀者稱神明日判百牘背二解父老語子弟但當自

愛莫為非不見惡少年朝詣馬市暮不夜歸三解子弟語

父老但當飲醇酒炙肥牛使君夜行部親持八尺盤矛

野無萑苻警邑無肱篋憂四解建學舍城之隅堂室奧如

復曠如諸生以時習禮文翁石室不殊五解養孤老鰥寡

榮獨廢疾無饑寒生給糗糧死埋其棺六解使君賢歌以

言之使君賢欲令後世莫不稱傳七解

署梧州府湯公祖德政詩

左州閉以讓

蒼梧竹馬迎康莊朱轡熊軾來龔黃梧山潯水遙相望  
苗頑俗悍資邊防公蒞茲郡仁風揚催科政拙撫字長  
皇然肅紀復振綱凜不可犯如秋霜化驅伏虎墜飛蝗  
力除旱魃舞商羊士女安堵勤農桑絃歌比戶崇膠庠  
公之來兮民樂康公之去兮民徬徨口有碑兮壺有漿  
郇之黍兮召之棠勿剪拜兮垂無疆

視學潯江贈湯蓉溪郡伯

海鹽朱佩蓮玉階

雙旌初下兩江潯喜占香巖古桂林遍種紫陽花月樹  
時來紅屬玉仙禽士遊鵬里絃歌盛民往龍田耕鑿深

欲識使君新治術浙中曾仰舊棠陰

恭送蓉溪憲臺奉太恭人靈櫬旋里

興安蔣趙濟

滇池浙水頌明公又見循聲播粵中堂護錦蕩滋瑞露  
岐呈瑞麥扇和風頻年愛日傾葵悃一夕淒霜隕蕙叢  
芹藻經時涵澤遠盈盈別淚杜鵑紅

臨桂何士瑤

一曲驪歌淚縷縻雲帆空望影差參田間父老違慈母  
藝苑生儒遠哲師月照素旌憐孝履烏啼寒夜動哀思

攀轅臥轍渾無計琴鶴重來盼異時

庚寅獻歲奉祝湯親母楊恭人四十初度

陸廣霖

補山

甲子纔逾半芳辰正換年江南春醞熟斗北婺星懸世  
系傳臚舊家聲信國賢蘋蘩尊闈內蘭玉繞階前玳瑁  
華筵傲芙蓉繡幙寒君恩榮翟第仙樂奏嬋娟已注  
長生錄還斟不老泉捧觴何所祝願進九如篇

癸巳新正奉祝蓉溪老先生六旬榮壽

張素

璞菴

中山六麥逢初度祝嘏同登刺史堂古樹紅梅方吐艷  
瑤階綠柳漸舒黃樽開北海傳官酒桃熟西池捧壽觴  
燕翼恩深綿世澤年年舞綵慶如岡

題蓉溪先生洗硯圖

吳龍見

惺園

溯震澤之上游兮

芙蓉湖

挾勝侶而流翔景疇昔之名賢

兮

謂皮陸

權吾生之行藏揚靈波於鑑湖兮涉淮泗其徜徉

遂一麾而萬里兮指六詔而下荆襄瘴癘靖於邊陲  
兮浮昆明以葦航日月忽其代謝兮感雙鬢之蒼蒼  
湘波而入梧潯兮左右江其徬徨蛇蛟蟠而魍魎匿兮

高懸藤峽之秋光歛雁翻于衡陽兮謂令弟東崖馳竹馬於

巖疆公子存方繫子若弟之賢勞兮整弭節於柴桑芙蓉蔚

其繽紛兮桂婆娑而飄香浣片石於盧奴兮科斗忽聚

而為章念琴鶴之徧南荒兮望美人兮天一方撫輕橈

兮泛滄浪按急節兮調清商江婁來逞兮海童駕乎飛

檣吾將與君共適兮盱盱於無垠之蒼茫

題洗硯圖四首 楊簡敬齋

滇池桂嶺久遲留次第看花正好秋今日科頭溪畔坐

天光雲影更清幽

到處名花着意栽清風新向畫圖開莫言宦絡羈塵事  
曾在山陰道上來

到老繁華迥不同迎霜秋色更蒙叢堦前多種宜男草  
雲外還飄桂子風

湯氏家乘  
 卷十一  
 十一  
 湯氏家乘  
 卷十一  
 十一

湯氏家乘  
 卷十一  
 十一  
 湯氏家乘  
 卷十一  
 十一

湯氏家乘  
 卷十一  
 十一  
 湯氏家乘  
 卷十一  
 十一

